

光緒永嘉縣志

永嘉縣志卷之二十六

藝文志三

史部

漢志以史記附春秋至隋始別爲一部凡十三種唐宋志亦皆十三明史爲類十今分十二類曰別史曰雜史曰詔令曰奏議曰傳記曰史鈔曰時令曰地理曰職官曰政書曰目錄曰史評而傳記地理政書復自分子目云

東都要畧

萬厯府志

宋戴栩撰

右別史

藩邸聖德事迹十卷周必大平園續稿

宋張闡撰周必大張公神道碑壽皇初開建王府高選講讀官朝論舉屬公卷改禮部郎中兼贊讀

公在王邸讀資治通鑑至修身治國必反復誦說壽皇每嘉納之平生行事悉筆於冊五十餘年不少廢諸子

類成文集若干卷藩邸聖德事迹十卷經筵講義故事若干篇奏議若干卷並藏於家建炎以來朝野雜記

乙集紹興十二年正月丁丑制建國公加檢校少保封普安郡王時年十六制下日者尤若納私謂祕書省正

字張闡曰普乃並日二字合乎易所謂明兩作離之象殆天授也原注張闡記聖德事蹟按建國公封普安郡

王即孝宗也

開禧德安守城錄一卷乾隆縣志雍正通志萬縣府志並無卷數瑞安王氏錄本遜學齋校

本刊

宋王致遠編

東匯曹彥約序開禧兵燹既啟虜悉力闖

至小處猶不下數千獨安陸以內地故經理所不到乃

受敵最慘守雖將家子儒不解事幸而存則余同年兄

王元父之力也當丁卯之春虜戀戀無去志得縋者來

言城中疫癘大作老且病者醢而甘其味余聞之淚

下人之愛貓近於愛子殺貓而甘其味去相食無幾矣

既而白之宣府又書其事以告朝路無安陸是無鄂渚

自江以南將何所恃責同時在位者不恤元父盡力之

意朝廷雖知元父忠顧事力不暇及也以列郡無重兵

身不當事任受圍百有八日遮蔽天塹困強虜以俟水

潦迄全其城其用力良苦哉圍解二十年元父亦修文

地矣昔既不自狀其勞則後於今日者益不足以考

其槩矣每切憂之今監倉君示守城錄一編纖悉具備

列禦寇之法固足以示訓若元父之所以用心與其用

以和眾上以安其親而下以刑於妻子講學之明而用

志之堅又非文字之所盡者更在於城守錄之外也嘗

論開禧用兵之時主事者竊取諸老先生復讐大義謂

軍食迎師者可以立致謂六月北伐者可以圖然而體

統不明規矩不定吳曦趙鼎皇甫斌之徒已受密議重

兵壓敵境然後迫諸賢以稱王人勢不可辭亦不可止
及虜大舉三邊數千里皆已受敵宣司引擁虛名於內
無一兵可以增益至董世雄輩以朝命來援亦傲睨不
卹國事本末倒置之弊一至於此全安陸而不敗必有
人如元父而後可也監倉君善繼其志善述其事有守
城錄如此可謂元父賢矣固識其受敵事如錄不謬忠
契及守漢陽倚安陸以死自許卒不得死不幸而
死元父無媿也顏平原張睢陽以守城著名一生一死
至今道守城者事指二公爲稱首無所輕重以其事在
守城雖生死猶末也儒者以忠信爲甲冑以禮義爲干
櫓置死生於度外然後可以行志此又錄外之意不可
不考元父名允初永嘉人同年小錄中字茂遠監倉君
名致遠嘉定甲申孟夏既望眉山李重序自魏崔浩
已有南人善守城之說然以余觀之亦唯其人耳佛狸
飲江諸郡盡下世宗南伐鎮戍迎降其能力捍堅拒久
而始陷者特一二城耳謂南人善守城之說殆不能例
言故余謂兵無強弱唯所以用城無堅脆唯所以守安
陸自建炎紹興以值國家陽九之用城無堅脆唯所以
黨忠楊進孔彥舟董平趙壽曹成李橫等相繼攻擾近

者三四日久至二十日唯橫六十五日乃解然是時海
內雲擾民人流離此等迫於饑困衆口嗚呼轉徙求食
以延一旦之命耳非有專城掠地之志也密學陳公守
此以策勲名固非淺志謝材者所企望余讀開禧守
城錄一編然後知運判王君元父之功亦不在陳下況
陳公之所捍者一時崛起之剽賊而君之所捍者方張
之勃虜也賊之兵少虜之兵多陳公受圍其最久者六
十有五日常受圍乃百有八日由此觀之則君視陳公
所成就爲尤難方城中危急之時君始爲貳觀其守禦
之方懷撫之畧皆出君紬繹規制而爲守者殆拱手而
蒙成耳一時對敵隨機應變莫不皆有法而於中最善
者是復收棗陽潰敗之兵與生得虜將不殺而用其計
以成功尤深得古名將之遺意崔浩之言至是果信而
有徵與抑亦解難排紛有因乎其人不可常遇與方寇
至之日君太夫人實在焉此人情之至難而君志在殉
國母子相守盜共仗義俱死不肯棄義苟生嗚呼壯矣
哉近世論者往往曰守節致命士固當爾然捍城貼危
曷若聽民出避而吾獨與壯士俱守弗去可也殊不知
守城一遭閉圍當上下一心大小齊力左右奔救屬志
堅守庶能死中得生苟一聽民出不唯留者寡助不能

獨存而人心一搖淪胥以敗不可復去則留者固不可
免而去者亦未必全彼此均一死耳而一去一留孰得
孰失智者於此亦當知所擇矣孟子曰鑿斯池也築斯
城也與民守之效死而民弗去聖賢立言垂教之意豈
不甚明君之成功得非由其母子之間知義所在相誓
死守弗去故能以固一城之人而却暴至之虜勢與歲
在丁卯余將漕夔門以蜀亂出請兵於荆湖宣闡甫至
江陵被旨赴行在過鄂渚友人項平甫邀余飲酒得安
陸捷書於坐間是時已知捐軀捍患忠力不匱爲可敬
尋典武林繼改昇帥閩是時君方拔擢爲守蓋朝廷始
知君之行能絕人天下亦必知君可倚任於緩急者也
暨余歸蜀官簿推移復自東蜀祥刑將輸湖右又與君
爲代雖未得一接君之色辭然尋常書疏往來情分相
與固已不淺矣後十有三年制置上滂而君之子致遠
出示此編余讀之嘆曰昔趙充國征西羌旣還謂其所
善浩星賜曰兵事當爲後法吾老矣豈嫌伐一時事不
爲陛下明言利害卒死誰當復言之者蓋古之賢將拳
拳憂國之心慮後之遠如此今致遠之爲此錄也豈獨
以盡論譔顯揚之義且將留傳於世俾後之守邊者視
以爲式其於國家豈曰小補然則致遠可謂知忠孝之

方矣余故喜爲之書嘉定甲申冬至日王國鐸後序
鐸億弱冠時聞五世祖運使允初公有守城錄一篇六
世祖提刑致遠公有雜著五篇心切切焉即欲覓而閱
之而不可得歲壬辰族弟元相家藏宗譜一部後有守
城錄附焉鐸見之惟忻踊躍喜不自勝如淘沙得金掘
土得玉也即取而閱之復加鈔錄以垂世守并備副本
以防其失夫允初公生當南宋之際登涇熙第累官至
荆湖北路運使開禧丙寅公時爲德安郡丞金虜待割
據之勢率眾圍攻德安郡守李師尹懦不任事而委其
權於公公募兵堅守至百有八日金虜方退公子提刑
致遠公及季子提幹致知公共述公績編成是錄以藏
示後世今觀其錄中所載虜爲鵝車洞子公則藝之以
火虜爲對樓流馬公則碎之以砲虜僞爲援兵則舉密
號以覘之虜利於用馬則遣强弩以屠之其地網之設
也而跨城之橋以焚其欄木之制也而距堙之卒可捍
他如結索網製天礮創木格伺聽甕其法多端難以備
述凡此皆公運籌之妙畧應敵之上策也於是讀此錄
者有以知公之禦敵有隨機應變之畧也有以知公之
才智有超出於尋常萬萬也有以知公之籌畫而萬無
一失也有以知公之處變和以悅眾誠以待卒也有以

知公之忠義知有君而不知有身也有以知公之報國
不出張巡許遠之下也有以知公之謀可以補孫吳之
所未備發韜畧之所未盡也此鐸之所以見之而喜喜
而復加鈔錄而自謂淘沙得金掘土得玉也雖然淘沙
得金無過金焉而己掘土得玉無過玉焉而己金玉爲
世之所寶而鐸之所寶者則寶不金玉而寶是書也楚
國無以白珩爲寶而所寶者觀射父左史倚相耳其是
書之謂與康熙五十一年壬辰歲臘月望日十五世孫
國鐸序孫鏘鳴跋右王忠敏公守城錄一卷儲藏家
俱不著錄吾鄉郡縣志尙載其目今從余中表王仲蘭
孝廉家譜中抄出余攷宋史寧宗紀開禧二年十二月
戊申金人圍德安守將李師尹拒之今觀此錄則虜侯
騎至城下實在十一月甲午次日乙未遂大至合圍其
告急乞師於樞密院則以十二月戊申而郡狀之上必
先守將名故國史因而書之而不知其守禦之計實皆
出於丞也是役也以區區孤城憊卒居荆湖腹心必爭
之地當數十萬凶狡方張之寇郡將既儒不解事外援
又觀望不前相持一百八日而不能下功亦偉矣乃史
傳不詳其事獨賴此編之存其備禦之法固足以示後
而其忠義不折之氣猶足以感發人心豈惟王氏子孫

所當寶哉夫開禧用兵南北生靈之禍烈矣此老成遠
識所深痛者也然使盡得忠誠能任事如公者布列邊
郡亦安見夷虜之能逞其志而恢復大計必不可行於
積弱之朝哉余讀是編而尤爲之廢書三歎也同治戊
辰二月七日識
溫州經籍志案開禧二年十一月金
人圍德安府郡守李師尹儒弱不習兵事允初時爲通
判凡戰守事師尹悉以付之允初爲之招棗陽潰兵二
千一百人以爲守措置多方出奇制勝凡被圍者百有
八日金人百計攻之不能破至二年三月竟解去致遠
在圍城中因記其事爲此編其書世無傳本宋以來儲
藏家亦無著錄者惟瑞安王氏譜尙載其全帙同治丁
卯家大人從王叔劭孝廉句宣借錄之其卷首曹彥約
序以承樂大典本昌谷集所載校之悉合又記中所紀
攻守之具若鵝車洞子對樓諸物與陳規守城機要趙
萬年襄陽守城錄所載亦同又記敘授陳之經告急行
在事亦與水心集二十五陳益之墓誌可以互證信非
後人所能僞作也允初宋史無傳其守德安事蓋宗紀
竟屬之李師尹不及允初名非此書尙存幾不知其守
禦之績矣致遠所記亦頗詳悉如記金人犯隨州隨守
雷世忠棄城遁去德安被圍時宣撫使檄都統制王菁

孫鐸董世雄等赴援葭等擁兵不進皆宋史所未載又
記金人以開禧元年十一月壬午破棗陽軍己丑破隨
州乙未圍德安府而宋史宣宗紀作辛巳破棗陽軍壬
午破隨州十二月戊申圍德安府蓋史據奏報之文固
不若致遠目覩者之得其實則此書卷帙雖少而
可以考正史文之駁誤正不徒以罕覩見珍也

欽明大獄錄二卷

國史經籍志千頃堂書目明史藝文志
儀徵劉氏藏明鈔本遜學齋藏鈔本

明張孚敬編

孚敬頒布大獄錄疏近臣奉勅諭事理同
先掌刑部事禮部右侍郎桂萼先掌大理

寺事詹事府少詹事方獻夫會問張寅事情幸賴皇上
神明睿斷事獲就緒民賴無冤臣又思永久之圖欲垂
不刊之典乞候聖斷刊示中外其紙劄工食劄行本衙
門查取已於本年九月初七日題奉聖旨是欽此臣隨
將臣等捧到敕諭四道及先後會間招藁節奉欽依發
落事理繕寫成書上下二卷刊印共一千七百部其名
曰欽明大獄錄夫大獄一榜固足以示刑罰之公要之
先後招詞之參考情理曲直之攸歸則惟此錄詳備耳
茲謹進呈御覽其餘欲候命下分送在京各衙門大小
官員各給一部仍發仰各該巡按轉行都部布按三司

如式翻刊分佈所屬衙門一體頒給俾中外臣工咸知
聖明欽恤之仁共據懷德勸忠之念萬厯野獲編張
永嘉暴貴武定侯郭勲首附之因得上異寵妖人李福
達一獄世宗疑御史借端傾勲故命璉以兵部侍郎署
都察院吏部侍郎桂萼署刑部少詹事方獻夫署大理
寺俱議禮新貴人也三法司之長俱下獄訊治在事大
小諸臣俱抵罪而張寅與李福達遂判爲二人上大喜
予二品服璉即拜相仍掌都察院彙張寅事爲書名欽
明大獄錄頒示天下（明史世宗本紀嘉靖六年九月
壬午頒欽明大獄錄於天下又刑法志世宗卽位五年
命張璉桂萼方獻夫攝法司變李福達之獄欲坐馬
姦黨律楊一清力爭乃戍錄而坐罪者四十餘人璉等
以爲己功遂請帝編欽明大獄錄頒行天下又馬錄傳
嘉靖五年出案山西而妖賊李福達獄起福達者崞人
初坐王良李鉞黨戍山丹衛逃還更名午爲清軍御史
所勾再戍山丹衛復逃居洛川以彌勒教誘愚民邵進
祿等爲亂事覺進祿伏誅福達先還家得免更姓名曰
張寅往來徐溝間輸粟得太原衛指揮使子大仁大義
大禮皆冒京師匠籍用黃白術干武定侯郭勲助大信
幸其仇薛良訟於錄按問得實檄洛川父老雜辨之益

信助爲書遺錄祈免錄不從階巡撫江潮具獄以聞且
劾助庇奸亂法章下都察院都御史聶賢等覆奏如錄
力言助黨逆罪詔福達父子論死妻子爲奴沒其產責
助對狀助懼乞恩因爲福達代辨且以議禮觸衆怒爲
言帝心動助復乞張璁桂萼爲援璁萼素惡廷臣攻己
亦欲借是舒宿憤乃謂諸臣內外交結借端陷助將漸
及諸議禮者帝深入其言命取福達等至京下三法司
訊尙書顏頤壽等不敢自堅乃反前獄抵良誣告罪帝
以罪不及錄命璁萼方獻夫分署三法司事盡下尙書
顏壽侍郎劉玉王啟左都御史賢副都御史劉文莊僉
都御史張渭大理卿湯沐少卿徐文華顧必寺丞汪淵
獄嚴刑推問遂搜錄篋得大學士賈詠都御史張仲賢
工部侍郎閔楷御史張英及寺丞淵私書詠引罪致仕
去仲賢等亦下獄錄不勝刑自誣故入人罪萼等乃定
爰書言寅非福達錄等恨勛構成冤獄因列諸臣罪名
帝悉從其言謫成極邊遇赦不宥者五人謫成邊衛者
七人爲民者十一人革職閒住者十七人良抵死衆證皆
成寅還職錄以故入人死未決當徒帝以爲輕乃成江
西南丹衛遇赦不宥以萼等平反有功勞諭之文華殿
賜二品服俸金帶銀幣給三代誥命遂編欽明大獄錄

頒示天下時嘉靖六年九月壬午也又唐樞傳嘉靖五
年進士授刑部主事言官李福達之獄陛下欺蔽者肆其讒諂
得獄辭要領樞上疏言李福達之獄陛下欺蔽者肆其讒諂
古帝王欽恤盛心而諸臣負陛下欺蔽者肆其讒諂
者涸其說畏威者變其辭訪緝者淆其真是以陛下之惑
滋甚而是非卒不能明望陛下明正福達之罪庶羣奸
屏跡宗社幸甚疏入帝大怒斥為民其後欽明大理錄
刪樞疏不載溫州經籍志案明史馬錄傳稱大理少
卿徐文華與李璋李珪章綸馬豸等同謫戍極邊遇赦
不宥據此錄則乎敬等初議文華罪等遇赦不宥者不同
奏請發落詔改發邊衛充軍與璋等遇赦不宥者不同
文華本傳亦云遣戍遼陽遇赦道卒與此錄合則馬錄
傳偶誤也又此錄載給事中劉琦附馬錄傳稱洛陽人亦
知李福達逃洛川時事明史琦附馬錄傳稱洛陽人亦
誤張文忠集奏進大獄錄疏稱刊印千七百部又請令
內外各衙門翻刻頒行明史世宗紀亦稱嘉靖六年頒
此書於天下然世間傳本絕少近時儲藏家惟范氏天
一閣書目尚有著錄兵燹後亦不知存佚余家藏本從
儀徵劉恭父副貢壽曾所弄明
寫本影錄亦罕觀之祇笑也

丙寅紀事

乾隆府志

明王光經撰

四庫全書志案光經舉萬厯丁未進士其官在天啟間丙寅為天啟六年是年魏

忠賢方興大獄殺周起元周順昌高攀龍繆昌期李應昇周宗建黃尊素諸人又修三朝要典頒之天下此書

或即紀魏奄擅權始末也

列朝私紀三卷

瑞安氏藏手稿本遜學齋藏鈔本

國朝周天錫撰

兩朝私紀

花夢樓集

國朝周天錫撰

右雜史

劉氏制詰集

續文獻通考

宋劉安上撰

外制二卷梅溪後集

宋何逢原撰

內外制彙萬縣府志

宋王直撰直相孫通志府志作基誤

勅諭錄二卷國史經籍志浙江采集遺書總錄丁集並作一卷千頃堂書目明史藝文志並作三卷今

從遜學齋藏明刻本

明張孚敬編溫州經籍志此書諸目著錄卷數互異同治乙丑於杭州購得寶綸樓原刻本實分

上下二卷上卷世宗敕諭三十通下卷世宗敕諭五通
皇太后誥敕一通卷首題少師兼太子太師吏部尚書
華蓋殿大學士臣張孚敬謹錄末題孫四川龍安府知
府臣張汝紀謹輯光祿寺珍羞署署丞臣張汝經謹閱

蓋文忠錄存彙本而汝紀
汝經等編定付梓者也

諭對錄三十四卷

明志藝文志四庫全書總目千頃堂書目國史經籍志作一卷誤永嘉張氏藏

明刻本

明張孚敬所奉世宗密諭及其奏草其孫汝紀汝經等

編山陰朱廣序廣生也晚未及事世宗皇帝第聞之父
稱兄長老譚嘉靖初年事如嚴郊社日月之祀正先師
稱號之宜定廟議躬耕藉清戚晚莊田之濫沐繩騎祿
秩之允復功臣勲爵之舊效聞寺擅兵之權赫然中興
之烈於斯為盛固世宗之聖神文武獨斷於上哉而引
經援史斟酌損益永嘉文忠張公實大有為焉張公亮
垂七十年而其孫龍安守汝紀光祿寺丞汝經袁世宗
聖諭及公所登對錄之以傳問序於廣賡伏而讀之竊
幸見治世之文而深有感於君臣相得之盛也蓋人臣
之進言難矣言而以登對抑又難矣何也進言者持己
之所見直效之上焉已耳登對則言出於上而應之如
射覆難發於上而剖之如破的是故沿襲者陋牽合者

鑿曲從者諛草莖者倨窘於應卒者拙窮於條答者疏
張公博極羣書而裁之以精識證曩今古剽剝是非傾
儲而出捷於桴鼓不襲舛不鑿空順而不諛直而不倨
撥之臯謨說命實在伯仲閒於是乎知張公之惻款上
格世宗之心是以言聽計從爲中興名佐厥勲燭焉廣
聞之琴瑟在御不鼓不聽計從爲中興名佐厥勲燭焉廣
宗深知文忠傾心委任自郊廟宮闈朝政邊務以瑣至
於冠服不憚反覆相訂可否相濟必求叶於度而中於
程其詞旨溫醇藹藹若父子諮諏諷切誼若師友以故張
公畧無猜疑吐露胸中之奇攬攬若此向微世宗之謙
光下濟度越世主又何以盡張公之用耶伏誦聖諭有
曰朕凡有諭內閣言不成立文但以朕之實言與大臣議
論大哉王言雖謙不自聖而文章之體莫辨於此夫世
之飾鞶帨以炫人耳目者虛而不實雖汗牛充棟無當
於用維茲密勿清嚴之地地上推心而示下瀝膽而陳以
天下真學問爲天下大經濟試觀聖謨洋洋之如此讜
論諤諤之如彼若赤日中天而雲蒸霞綺之擁簇於傍
也若紫微炳曜而星躔宿度之旋繞於外也無意爲文
而文自成焉迺天下之至文哉聖帝遺弓忠臣遺笏後
世猶然寶之況以洋洋之聖謨諤諤之讜論有不信今

而傳後者哉夫張公自釋褐至政府六年耳破盈廷之
噴噴結聖眷之殷殷歸而復起者四恩禮不衰其褒美
慨慕至形之詩章婉於虞廷之誥卷阿之什君臣相得
近古罕儷維時夙弊未釐閭人餘黨握重兵者遍天下
吮人膏血藉張公一言立收之束手釋兵柄歸寓內晏
如此尤其較著者賡竊有遐思焉夫自古繼體續緒之
君恒永言祖訓著蔡奉之以守成業而致盛治而魏相
好觀漢故事數條漢興以來便宜行事及賈董所言奏
請施行則茲錄也奚啻揚先帝先臣之休美即萬世之
聖子神孫蓋臣良弼其仰而效法焉者將在此乎將在
斯乎時萬厯丁未孟夏既望晉江蔣光彥序世宗皇
帝嗣位永嘉張文忠公首應之以初進士用議禮稱旨
召對內擢六年至首端揆人皆知公眷遇之隆聲施之
藉而不知公之取信於宸衷而弼亮乎皇猷者固如此
其不易也當是時天子懷達孝之思而沮於廷臣之議
下之論合上之意孤公毅然持繼統之說排眾曉而獨
伸之於勢似拂於機實順所以受不世之知而苟非常
之眷者惟其初以言禮顯乎竊謂公之爲公匪特在是
也公之難不在有順旨如流之美而在有執諍回天之規嘗
後亦不在有順旨如流之美而在有執諍回天之規嘗

反覆諭對錄而伏讀知上之所以倚毘公者不爲不深
而所以咨詢公者不爲不悉矣溫語無時不浚加綸札
無日不下逮大郊祀耕蠶之宜顯而廟謁后妃之冊
精而敬一五箴之注瑣而冠冕衣服之制粗而營建
鞠之署以至先師之廟號經筵之說書臺省之數奏
今邇遠近隆殺必得公商確而後行朝下而夕具奏
上而朝報可有奉而宣者有封而請者有參謀諸衆
有同列不使預知者甚若楊少師張國威之救中官
鎮之革或頓合上意或屢觸上怒然唯公得言之唯天
子得聞之卒俾聖德與國體俱尊宿蠹與積疑並刷
公於斯際亦自岌岌矣聖主負絕人之資既非臣下之
所敢望而登對多造次之頃又非擬議之所能及槩
之慮涉於阿閉咈之內舊臣也因之見忌並進也未
翔於台鼎密勿之內舊臣也因之見忌並進也未必相
能獨公孤立壹意屹然於天子之左右耳安得而不難
也大抵公始進務據禮而敵衆多之口而一人之主
有定故進之難適入之易及公爲相務尊主以報一心
之信而一人之意嚮甚淵故進之易微見其難然公不
違道亦不迂旨不避權亦不顧私獻替十二年間天子
恒霽威而受之時稱其爵字別號而不名賜歸而召還

者數數矣君臣之際始終兩全豈非賢相也哉公歸而後公相者經濟萬不如公去公六十七年四方無貂璫之擾默受公賜而晏如不知今寓內始人人益胞而思公矣公豈但遇主蓋亦有天才焉謂第以言禮取貴非真知公者也萬厯乙巳光彥來守郡公孫龍安守汝紀太官丞汝經請銀錄以傳為之梓而敘之如此時萬厯三十有四年龍集丙午中秋吉日海虞陸問禮序蓋我明自高皇帝御寓烈祖相承主聖臣良超前軼古懿美不勝指數而其最超軼古今者兩事土木之變于忠肅主邸邸監國重社稷而輕君虜勢始折疆圉晏如視北狩區區迎駕歲餼金繒於犬羊之口成敗奚啻霄壤世廟獻皇事故相太師張文忠公勒成明倫大典重繼統而輕繼嗣卒以力排廷議發櫬聖孝而一洗漢議千古塵腐之說蓋二公皆才與誠合故能回天捧日創非常而垂不朽云說者謂臣主之交功名之會忠肅遺其變公遇其常為忠肅之所為難為公之所為易是徒以言禮一事豔公遇合之奇而槩未窺公之所為易是徒以反覆論對錄條布縷陳未易殫述或章疏披陳而廟算先符其意或睿謨未發而閣議預啟其衷或順旨而為都俞或獻替而為吁咈一切斷大事決大疑靡弗先嚮

公處分而後出自聖裁家禮則尊生暨崇歿國是則朝
綱及邊務銓品則章善瘳惡之懸殊掄才則九列百司
之某布上觀天道禎禱下督民生利病無不以其尤大章明
菁蔡公言若金石出入諷議聽公而行之其尤大章明
赫奕者迺在過抑中官肅清禁寺當正德之末貂璫滿
天下中外威福悉出其手羣臣狼顧脇息莫可誰何審
譎之士仗馬一鳴斥且死公習帝英明於目睫顧盼間
以忠言移主意遂赫然電謝盡收貂璫之權旋太阿倒
持之柄而轉之在握自是百官始得奉職而黔首庶幾
帖席矣陰陽盤而回和乾坤否而重泰公之功在社稷
匪淺歟也以公相業視忠肅所設施更爲躡今疎古爲
宇宙非常之烈是可以遭際順逆言哉雖然君非清心
罔以端萬化臣非格心罔以裨君德世廟心學在乎心
箴有釋四箴有注而是錄所載引翼之懇班布之勤公
實以心沃心有不能語言論議之投契者矣故特表而
揭之以識千古明良之美云萬厯戊申孟秋嘉靖庚
戌蒲坂楊博跋嘉靖丙辰武進薛應旂跋俱不錄四
庫全書總目序敬以議禮被遇六年而秉大政甚爲世
所詬病而世宗始終眷禮不衰每稱少師羅山而不名
嘗諭予敬朕有密諭毋泄朕有御筆悉親書又仿楊士

奇故事賜孚敬銀章二以便封奏前後所奉手敕凡三百八十一道因彙爲一書并奏對劄子皆隨事附之於後蓋孚敬既沒其孫汝紀汝經等所哀輯也溫州經籍志案諭對錄自嘉靖六年纂明倫大典至嘉靖十五年遣官召還凡世宗諭三百六十二條附文忠對五百三十一條別以正德十六年會議與獻王典禮及嘉靖十三年會議獻皇帝裕享太廟諭十二條對十三條又以大禮或問一篇爲首卷據朱賡序蓋文忠卒後其孫汝紀等因文忠錄本編定雍正浙江通志別載張汝紀諭對錄非也書末又有附錄載嘉靖十六年論張延齡事凡諭旨五條對十有五條原書題記稱萬曆續錄失編崇禎初年重輯補梓者蓋文忠後裔遞有增補矣文忠在嘉靖初以議禮駁貴一時寵遇無與比倫自大禮大獄外凡軍國大事以至郊祀冠服制度之更定無不與議其諭旨奏劄悉載此錄故雖私家之書而世宗初政大畧十具七八與敕諭錄修陳恩眷者固自不同至議張廷齡獄反覆疏陳亦頗見謹論明史論張桂方夏諸人立身本末與所言之是非固兩不相掩則此錄亦讀史者所宜參覈矣

諭對錄十一卷

永嘉張氏節刊本

國朝張銘摘錄銘跋曰明太師諡文忠羅山公乃我十六世祖也以弱冠舉孝廉鏤戶窮經二十餘年始中禮部試生平著述甚夥其已哀校鏤版者有禮記章句八卷周禮注疏十二卷儀禮注疏三卷壁經講章五卷杜律訓解六卷寶綸樓和御製詩二卷羅峯集三卷奏對八卷論對錄三十五卷詩稿文稿各七卷與未付坊刻等書具藏瑤溪羅峯書院會前代屢遭倭變衡宇煨燼殆盡吾族離鄉而處即梓本亦虧有存者孫子幾無繇索攷近於異地獲觀亟為購回懼日久散軼緣與同志謀遂再醺金掇登梨棗奈卷帙殷繁未易畢鐫迺取舊本別加類次析為十一卷從憑投鐵公之族仰以供繙閱蓋是集雖不及什之三而剝落之虞或可少免其餘藏函族他口另編嗣刊以成完書茲於剏既竣附列原目如左十六世孫銘謹誌
跋不錄
咸豐三年張銑

綸音錄

花萼樓集

明周文穎編文穎字孺子號石室萬厯己酉舉人新淦

令

周天錫代書後臣家自趙宋蘇赤岸徙永嘉松臺里數傳以來時屬蒙古氏俱隱不仕至國初始有聞者

迨正統中聲曰隆隆起厯神光熹以及今上而朱紫簪笄相禪矣本朝故事以考最聞或慶霈所得誥敕依秩有差其繇郎署至公卿以使事行小有敕大有諭朝覲者亦如之臣家被賜者八人凡得制誥之類二十有五通云詩曰王言如絲其出如綸王言如綸其出如綍蓋華袞之寵有不能勝片言者臣家自始遷祖至今爲世十指僅千耳而被賜八人者或以身或以子孫至於房闔之內或從夫或從子或從孫皆有以動九重之聽而寵錫俯至且起而近天顏巧天語者猶未艾也嗚呼亦幸矣敬稽首盥手莊錄之臣敢藉是對揚天子休命温州經籍志案花萼樓集書綸音錄後自注先水部公命代不載水部之名集又有書宗譜後云昔崇禎己巳歲先王父大參公纂修宗譜越十年水部石室公載修之而李象坤翁菴集選有周石室年伯六袞詩攷翁菴父僉都御史光春爲萬厯己酉舉人與長史文穎爲同年生而翁菴詩有花封初剖憶萼鱸曳得匡雲只自娛

之句亦與東歐詩存乾隆府志傳文穎為新淦令合則石室為文穎別號無疑惟文穎未為工部官不知何以有水部之傳也

右詔令

張尙書奏議平園續稿經筵講議故事同上

宋張聞撰

薛恭翼公奏議十卷萬厯府志

宋薛叔似撰

經筵口奏故事宋史儒林傳

宋葉味道撰

奏對稿十二卷四庫全書總目

明張孚敬撰武陵楊鶴選刊其序曰永嘉張文忠公遇主甚速旋去旋召進公孤賜更名賜銀印記賜遊南城西苑賜手調藥賜居第樓院諸額非出宸翰則出獻皇帝御書其前後寵資于廷臣無兩皆謂公以大禮一事中上意而驟貴而實非也肅皇帝性好三代禮樂述作天縱顧盼廷臣鮮所當旨夫禮者文人憚以爲細而英雄豪傑又笑以爲麤大臣之學問能麤細俱入則當顧問遇盤錯直迎刃而解耳公教授瑤溪精於三禮讀書長嘯以山中宰相自負一旦遇時邁會能理奪明主之心而以辨才杜三事大夫之口衆目睽睽談笑自若即使不言大禮其議論之決心精神之透骨世誰得而抹殺之所謂豪士如玉山人亦見萬緣公說以就公抗議時桂公夢方公獻夫霍公韜不過緣飾公說以就公名而舍大禮外如農蠶有議服祭有議禮器有議樂舞有議郊社之分台日月之配享孔子之易王而師易像而主諸君子能創一言否試之少司馬汰邊方之債帥裁冒濫之冗官試之宗憲決大誣之冤獄彈不職之屬吏試之內閣革鎮守之宦官復開國之勛爵平潞州之盜定大同之叛軍諸君子又能創一言否上禁中不時

出片紙勅小黃門立索回奏非勢切疾雷則幾難終日
公援筆隨答刻期取辦同官不及謀外曹不及聞古典
不及攷而分陰寸晷之間如宿構於平時咄嗟於俄頃
者宰相須用讀書人公之謂矣皇帝繇藩服入繼大統
此君之變局也君相之變局則書生抵掌而取相印若寄又相
之變局也君相之變局則朝局自不覺與之俱變議論
必更新制度必更改始非特禮官不能違也時也亦勢也易革
也非特君不能違即天且不能違也以震當鼎革震動之初
卦之後繼之以鼎鼎之後繼之以震當鼎革震動之初
老臣宿儒觀焉執已陳之死局或可或否以搖上心
賴公援引書史反覆迭難廷議屈相權重而少主之威
亦伸孔子得子路而惡言不聞劉裕失穆之而謂人輕
我肅皇帝不倚公誰倚哉公終身不治生產近清禁絕
私交近正功成名遂身退近智而要公相業不在是飽
叔之薦管子曰其爲人也實足當之蓋大臣之事君威
嘗以膽許人是二者唯公實足當之蓋大臣之事君威
福之柄不可有是非之柄不可無後世避威福併避是
非膽不足而國柄與之俱失矣若張公者非特肅皇帝
救時之宰相抑亦萬世救宰相之藥石也而世以議禮
一事豔公其得公者膚耳此公之奏議不可不讀也萬

永嘉縣志

卷二十六

古

厯甲寅孟夏既望四庫全書總目張孚敬有論對錄
備載世宗密諭卽當時奏草亦併載於中共三十四卷
篇帙頗夥是編乃萬厯中巡按浙江御史楊鶴所選凡
十一卷視原集法三之二第十二卷附刻序文十九篇
蓋刪繁舉要以便流傳然李綱奏議一卷爲世所
貴不病其多而難讀也溫州經籍志此書據本集奏議後
取其少而易竟也溫州經籍志張汝紀跋蓋楊鶴選定付永嘉知縣莊廷臣刻之者後
附雜文二卷不盡奏疏也至近時張銘檇錄諭對錄未
附奏對稿目二葉乃僅八卷且皆奏劄無襍文以集本
奏議校之適合殆妄意奏
議卽奏對稿遂誤題耳

張文忠公奏議七卷

國史經籍志千頃堂書目

明張孚敬撰

溫州經籍志案張文忠文集首爲奏議八

布海內矣是單行本刻於文忠未卒已前焦志及黃范
兩目所著錄者卽是本也至集本乃張汝紀所補輯其
第八卷皆嘉靖十年文忠致政後所上奏疏末綴張遜
業進遺疏謝卹典請改葬三奏初刻本蓋皆無之故少

也一卷

滇南奏議

雍正通志 昇州續稿作滇南奏疏

明王諍撰

刑名奏議

雍正通志 昇州續稿作詳刑議

明王諍撰

王世貞竹巖王公墓表公按雲南久旌廉吏懲貪墨拮豪俠卹孤癯揚主威德於萬里外

爲諸方冠它善事不可勝記其爲大理則平剋三尺所謂賣休買休曰貧民棄其婦懲之可而奈何傳之姦而辱之於司寇廷辨上是公著爲令著有滇南奏疏詳刑議

容臺疏稿

雍正通志 理屯疏稿上同

明周應期撰

留省焚餘一卷

千頃堂書目

明陳堯言撰

右奏議

東坡陽羨譜

少卿戴公行狀

宋戴楫撰

失名宋故朝請大夫直煥章閣主管冲佑觀

冢子天才

穎拔博覽傳記豐達本朝舊典以周益公譜

坡仙陽羨事

未翔實在宜興訪故老別具譜今板置縣

齋請居常州報

可後建中靖國元年自儋耳還卒于常

事詳宋史本傳

及史能之咸淳昆陵志敬忠嘉定十一年四月以承事郎知宜興故為譜其事板置縣齋也

戴氏家傳

東嘉先哲錄戴守鏞家傳舊府縣志未著錄

宋戴仔撰

溫州經籍志戴守鏞家傳舊府縣志未著錄

初假閤門舍人

戴勲牒更名登應國子試中第後復舊名應鄉舉事始末甚詳蓋其書明時尙存也

馬元帥救荒事實

袁桷清容集

元林萬里撰

袁桷書後司獄永嘉林君萬里彙次元帥馬公救荒事實一鉅編俾有言嗟夫欽敢

之法不行於今為牧守者亦難矣因時之凶復抑其直是則於商旅奚有望焉董煟輯救荒書至盡至美迄莫能有遵其說而行之者病在於執一虛心以求則今馬公之政其近之矣林君之編曰台民四十九萬有奇其粟率糴者一十四萬七千有奇糾於富家幾三萬石有奇當是時以一郡之民能動於上聽其出粟至於一十有四萬非身任其責所為文書不大懇切不能至是富民遭荒抑損以售亦必有道數盈於三萬則其便不便有不得已而然者也視瘠而坐弊仁人之所不忍邀名以幸成夫豈仁人之用心馬公之政集眾思以為之其佐林君為首奉行而不失者皆公所辟佐吏凡五人見於所行事實不復著記禮之言曰三十年之通制國用今之入以為出馬公者德碩望將參預天朝願以今之所行為權而以經制告於廟堂焉則得矣

孔顏孟三氏誌六卷

四庫書目

明劉濬編

四庫全書總目濬成化中官鄒縣教諭鄒孟

世系以及褒崇諸典彙輯成書先以地圖次以世系年譜次以廟制次以誌事附述聖於卷後而前列提綱一卷則壬子四月紫陽楊奐所述東遊記也壬子為元憲宗二年而濬於壬子下注云元憲宗濬祐十二年紀年既誤而又以宋理宗年號移之於元殊為疏舛即此一端其他可概見矣

張文忠世家

卷

永嘉張氏重刊本

明張汝紀撰

李光緒序當世宗皇帝踐祚之初相君張文忠公者其中與之佐而名世之臣也人

但知公議禮之合而不察其執禮之正鮮不以為近於阿人但知公取相之易而不察其居相之艱鮮不以為疑於驟夫孰知公之所以合而非阿驥而非易也當是時上有欲尊崇與獻帝后之心而公獨持其繼統非繼嗣之論在廷之臣所以嘔啞而與公辨直以公之言弗為敬皇帝地耳非昭聖太后所以擁上意也若非主上深信其諸不訕公之說而謬公之旨及夫升祔大饗之議起向之諸臣所為與公辨者或默然而無言又或靡

然而繼繼而公乃深明其然以爲帝而考之可帝而宗
之則不可其所爭於全統半統之間疑若與繼統之論
相矛盾而禮實相成於帝心不無順拂雖其後竟亦不
知從而當日沮於其說之正持於其執之堅且不得不
少輟而姑待也張昌侯之獄帝有成心矣雖延齡有殺
人之罪亦有所不憚於昭聖太后之故令公而不有危
言感動其間謂昭聖何謂四海臣民罪公之言禮何公
是以倦倦以昭聖之春秋高爲言寧以言觸帝之怒而
終不令有殺前朝國舅之名寧以身蒙帝之譴而終不
使有傷昭聖太后之心至帝出重語以喝止公竟持論
不已後乃感悟降心以聽悉緩諸當論者終公於太后
之世延齡得長繫不死公之力也公唯深明於大一統
之義故始終以全統之說進有所排眾紛而伸之不爲
阿有所詆眾諛而阻之不爲忤又有所曲全而庇之不
爲私夫然後天下臣民不但有以說公之心而且怡然
釋喙於公當日之議其若不爲孝宗昭聖地者乃其深
爲孝宗昭聖地者也公爲相多所興革建明帝亦多聽
之以中涓鎮守之官歷二三朝所不能革公一請而收
之如逐腐鼠其行政不爲不專受上倚昆不爲不篤獨
考而不宗之請天子終忤而不合然亦公沒後而復行

之論者謂公在難乎免矣嗟乎公所正者統所持者禮耳何知禍福何知榮辱茲其所謂名世之臣哉天子大尊顯公賜第宅里中又爲之建寶綸樓所藏御札皆前後相臣所未有然公歸亦貧甚公子之家不踰中人產令不有賜宅以居公廳事於旋馬何如哉公之孫二千石太衡君輯公行事自國史傳而下以及墓銘傳記之屬彙爲一篇名曰世家按史記帝王稱紀將相文臣稱世家公中興賢相也故以世家稱焉光緒入甌太衡君命使序之因僭附於卷後溫州經籍志張太衡汝紀字仲理文忠孫太僕丞遜業次子凡文忠所著書並其所刊行明槧論對錄卷首附刊職名太衡繫銜爲四川龍安府前刑部廣東清吏司郎中後不知終於何官也東甌繼武編一卷謝啟昆廣西通志

明劉康祉撰廣西通志是編乃何廷相守東甌時有惠

政民誌遺愛而作也廷相富川人萬厯丁未進士康祉

家之設州郡凡以爲民也而郡之有牧總羣生之命脈胥橐籥焉唯是興利除害爲萬姓計奠安則民之切於

愛戴者視百年如一日蓋善政久而彌光民心彌遠而
彌不忘也地巖何公以靈慧之資豪宕之才飾爲吏治
未易有以更僕者初在郡署中酌泉貨於權衡而籌無
遺算聲稱藉甚及捧檄而東也凡所摩畫拊循所爲御
變御常罔不斤斤可式舉民生國計若燭照而已試然
當甲寅乙卯之祿吾甌民內外翕然設非公紆徐決策
俾夫家給人足時事可勝言哉夫何時以觀行至爲譏
言所中乃以離政移去百姓擔簦裹糧赴愬司道謀爲
詣闕訟冤者不下數千人至今讀慨惻一疏令人悵然
未幾而箕斐者尋與汨羅長往百姓不忍忘公於既去
之後也家戶祝公多福多壽若華封交口者然途歌巷舞
以奉之且祝公多福多壽若華封交口者然途歌巷舞
率萬口無異迨於今復付之剗剔以示不朽視前時東
園淇竹公時民情之眷戴於旣去者更切噫是可以覘
公當時之政矣夫公以弱冠登壇與其仲公先後蜚聲
禮部才名彪炳已足震懾一時公在甌爲民望所歸而
仲之令臨城良鄉也赫然聲稱溢於遐邇得非家傳世
學業有真修而措之文章事業難兄難弟又得非西粵
之山川靈秀毓於金昆玉季將爲天下國家造無疆之
福豈僅僅一郡邑乎哉棠棣之碑馳聲洛下而小秦大

秦不得專美於昔矣是則百姓之爲公計者正欲垂之於千百禩之下俾千百禩之人仰盛德而厯思猶得晉耿光於簡編也不其偉哉行將勒之史冊以慰吾聖天子重民牧之念不佞嘗閱漢史有何武者百姓爲之去思不置蓋公先世之著績者然爰以繼武名編庶前後炳耀云

報國錄一卷

李象坤劄

明劉士焜撰李象坤書後遜國忠臣吾願惟卓忠貞爲最著東湖樵夫則台人爭欲得之疑案未釋也編修劉公諱現永嘉人其大節見於革除遺事秀水屠公叔方輯建文彙編次公名第四焉乃郡史書弗載詢之故老幾同舉漢魏以上事某獲交公之後人受韜君一夕偶譚往軼取彙編讀之至公名韜兄麓然曰此吾祖也因出宗譜閱之僅載其服官始末遺文雲露集可盈尺覓其感時涕零句竟楮無有也則相與手殘帙揮淚慟哭蓋公既沒方黃之獄未息其伯氏觀爲楊東里諸人所器而楊金舊與公同事稱厚善哀梓公文盡削去其觚稜之作以亟亟全公氏族孰知公之名反以是掩哉遺像在幅前冰澄玉立肅衣瞻禮如拜岳鄩

王墳顧松檜皆霜色韜兄韓報國錄珍諸箚中壬午韜
兄舉於鄉而屠公長君弘脣適與同譜某緣是竊嘆節
義之氣菌蒸蘭茂未始孤植也明年韜兄遽溘逝又明
年遭罹國變感慟時事向其嗣君索是稿鐫之昔賢之
姓氏沈埋於蠶簡蟬編中必欲多方攷據以顯其蹟矧
當吾世躬親其人哉乃更有灼爍於時顧使人凜怯如
不欲聞恐一入目則終身難化以卽於涼德則又奚以
解也嗟乎節義亦何負於人也今天子中興首政尊隆
惠宗廟號其一時殉節諸臣靡弗褒錄距建文二百四
十二年而論卒定於公者可以不朽矣卽受韜君修文
地下亦可含毫而粲然矣崇禎甲申長至日

平定耿逆事畧

一作具
子事實

國朝周聲烜撰聲烜字慕峯郡庠諸生康熙十三年耿精
忠反遣僞都督曾養性陷温州十四年八月聲烜出城
九月固山貝子統大兵經十七都潘橋聲烜隨征明年

六月至處州八月在閩以疾旋里記其事之本末爲斯

編時康熙二十年辛酉

長白慶廉序從來捍災禦患救生

壽以貞珉隆以祀典歷千載而不可磨滅者也康熙十

三年閩中遭耿逆之變擾及溫台各屬羣陰肆狡郡邑

迭陷蹂躪之狀慘不堪言朝廷特命貝子爲寧海將

軍統領大兵救護溫台等處旌麾所至剿除逆撫恤

塗炭溫台之民若登衽席經年底定台州未幾而枯甌

亦就平復溫郡屯兵日久受惠尤深地方士民咸思報

德以貝子曾於西山護國寺憩軍遂爲建祠塑像供奉

祿位後人復立碑記表揚盛烈而西山左近朱家嶺及

太平寺等處亦建祠奉貝子像位此其功德入人者深

也乃以年湮世遠祠宇傾頽斷碣殘碑委諸榛莽夫古

今來報功崇德當時宏其規制不數年而迹等滄桑徒

於荒煙蔓草間流連景仰良可慨已余觀察來甌十年

於茲屢擬重爲修建乃簿書執掌遷延不果心滋愧焉

茲以奉命總辦兩浙行將去甌查護國寺及太平寺

舊建祠宇均已鞠爲茂草至朱家嶺原祠雖尚有規模

而離城較遠地方秋隘不足以昭崇敬爰於九山廣濟

寺左購地數弓另建一祠塑像設位遷原碑於祠中悉如舊獨念貝子勘亂大勲載在國史見諸誌乘固無俟闡揚於萬一然以當日親偉伐風土謳吟詎無可採因而徵文考獻適得貝子恢復溫台各郡事實一冊天家籌畫閭外勛猷詳且悉矣以貝子天潢貴胄乃能親歷戎行不避艱險與士卒相為勞苦至於上體天心下難民困其盛德之及人所當厚以食報何竟淪滅無聞而祀典闕如耶謹重付剞劂以廣流傳并詳請大府春秋致祭崇祠俎豆並永河山宜為在天之靈所呵護抑亦尊崇敬禮之一端也刻既竣因述其緣起如此

咸豐三年月日

右傳記上

賢名

莆陽人物志三卷

直齋書錄解題文獻通考

宋何絃撰

解題通考皆作林絃誤

直齋書錄解題以圖志不敘人

物故特為是編莆壤地褊小而人物特盛

郡王麟福建通志興化府

名宦何紘字文伯慶元二年知軍事才敏給為政審先後奴隸走卒各得其所嘗作人物志

名臣事纂九卷宋史藝文志

宋葉適撰

東嘉人物志慎江文徵

明姜準撰雍正通志姜準博綜羣籍尤悉甌中典故著七種各志著錄廬海族譜一種今於慎江文徵得東嘉

教職世表東嘉科第年表二書自敘又據科第表敘知復有人物志之作足為熟悉典故之證晉唯廣雁蕩山志又載有瑣談一書合之廬五種餘並無攷

敬梓錄花萼樓集

國朝周天錫撰

慎江獻徵花萼樓集周氏家錄同上

國朝周天錫撰

右傳記中總錄

海神靈應錄一卷

直齋書錄解題文獻通考

宋陸維則撰

維則永嘉貢士事跡無傳

直齋書錄解題太守韓彥直

子溫為之序初元祐中太守直龍圖閣范岫夢海神曰

吾唐李德裕也郡城東北隅海仙壇之上有廟初不知

其為何代人岫明日往謁其像即夢中所見自是多響

應然封爵訓詞惟曰海神而已

南嶽遇師始末一卷

四庫全書總目始作本今從翁菴集選

宋夏元鼎撰

李象坤序南嶽遇師始末一卷宋西域真人夏元鼎撰附於金丹詩訣之後元鼎字

宗禹吾郡永嘉人嗜學淹貫自負其才當南宋初造慨然有唾手燕雲志宛轉赴帥幕比銜命使偽齊備極艱瘁以病病而習吐納法良效乃解組從簪裳誌稱其後無疾端坐逝逝之日鄉人在閩見之寄書歸類真得仙者鍾離翁不得逞於吐蕃遂從碧眼胡僧訛鸞鶴將母同與緣是竊悟神仙自是血性男子焚尾事奚必編木膚茹草實自齷齪已然始云童真入道哉郡之西十里岑壑清美元鼎昔歸隱其中地即名夏僊子每遊焉所著陰符藥鏡悟真諸講解俱闕不傳然三復茲編天之粹道之髓可烹煉而取之矣

甌東政錄

千頃堂書目

明項喬撰

筮仕錄

雍正通志

明葉承遇撰

惠愛錄

仁谷山人近稿

玉陽錄

續愛錄

惠庠義田錄

當陽

學課錄同上

明戴賞撰侯一元金峯戴先生墓誌銘嘉靖丙午選貢授廣東惠州府學訓導至則揭示諸生修己所宜又為置義田以舖貧士轉為湖廣當陽教諭所著有惠愛玉陽續愛惠庠義田當陽學課諸錄歸田稿見聞錄

江北恤刑錄乾隆府志

明張陽春撰

平黎一箸乾隆府志佐惠半斑同上

明周一奎撰

江州計過錄雍正通志

明周應期撰

右傳記下

錄

葉學士唐史鈔十卷

宋史藝文志

宋葉適撰

温州經籍志

案宋魏仲舉五百家注音辨昌黎文集卷首列所收評論詰訓音釋諸儒名

氏云永嘉葉氏名適

字正則議論見唐鈔而史志及各書目所載水心撰述並無唐鈔之名惟宋史藝文志有

葉學士唐史鈔十卷

注云不知名攷水心官終實文閣學士故宋人多稱為葉學士所著書亦以為標題然則

葉學士唐史鈔

殆即魏仲舉所謂唐鈔也

十國紀年通譜

良齋浪語集

宋薛季宣撰

自序事明於一疑於眾舉其類則疑者明三代以前萬國分治書之典詰何其明且

約也蓋天下

車同軌書同文行同倫萬國之政繫於一人四海之大猶一身上下之禮明中外之治均比屋可

封人亡異情

載筆之臣何所記修律度量衡然猶未免於時守而同之也周德衰王迹熄徐楚僭叛征伐行於

於時守而同之

也周德衰王迹熄徐楚僭叛征伐行於

諸侯正朔不稟於京師國異政家殊俗變風競作聲詩
異編春秋常事不書類以舉其疑也太史公譜共和以
來爲十二諸侯六國年表稽古之士得以攷見焉漢世
宗紀年建元爲國家者循以爲故時疑世變自爲聲教
者往往各名年紀二君並世則行事異而正朔疑矣不
明其類易舉其疑十國判於唐衰一於大宋中更五代
時並異書讀其傳者不習其時常以爲病劉恕紀年載
述假日名甲子繫之年舉取明疑一其類矣至於參攷
異邦之事則尚有臨軸而廢卷者爲之旁行譜繫列其
歲紀舉疑明類輔成劉氏之闕先唐改元天祐而蜀猶
以天復名年通譜之書從此而斷迄於平晉
凡七十有六年年殊朔別用通譜於左方

右史鈔

月令合纂

雍正通志

國朝林占春撰

右時令

永嘉縣志

卷二十六

三

薛常州地理叢考一卷

宋史藝文志

宋薛季宣撰

九州圖志

千頃堂書目宋史藝文補朱子語類作九域圖

宋薛季宣撰

朱子語類薛常州作地志不載揚豫二州先生曰此二州所經歷見古今不同難下

手故不作諸葛誠之要補之以只見冊子上底故也

輿志合璧

國朝林占春撰

右地理一

總志

沙陽志

萬姓統譜

宋黎靖德撰萬姓統譜靖德嘉祐間爲沙縣主簿攝縣

事清謹善理繁劇博學能文詞嘗修沙陽志

濠梁志三卷

直齋書錄解題文獻通考

宋張季樗撰時嘉泰初元季樗知濠州

永寧編十五卷

宋史藝文志直齋書錄解題文獻通考國史經籍志

宋陳謙撰時嘉定九年留元剛茂潛為太守讀書附志

敘州敘縣敘山敘川敘賦敘役敘兵敘人敘產敘遺凡

十一類

王象之輿地碑且永寧編陳謙所述留元剛序云是編非取夫搜撫新古誇詡彰勝而已事變

之會風俗之趨蓋將有考焉觀敘州自幾人孰先孰後

人孰賢孰否觀敘人自國朝以來作之幾人孰先孰後

熙寧而後所易兵制善於古否建炎而後所增賦稅安

於民否水利何為而便役法何為而病是非得失之迹

興廢沿革之由安危理亂於是乎在一言去取萬世取信

清源志七卷

直齋書錄解題文獻通考善堂藏書目錄源下衍山字

世

宋戴溪撰時慶元己未溪通判泉州太守信安劉穎也

溫州經籍志明文淵閣書目世善堂書目並有其書今則久無傳本惟王氏輿地紀勝泉州畧引數條其體例

無可攷也

零陵志十卷

直齋書錄解題文獻通考宋史藝文志

宋徐自明撰慥堂知永州在嘉定十年十二月志成於

嘉定己卯蓋除官後二年也

浮光圖志三卷

宋史藝文志

宋徐自明撰浮光卽光州慥堂著圖志疑嘗官光州也

桂陽志五卷

宋史藝文志

宋周端朝撰文忠嘗為桂陽軍教授成此書

景陵志十四卷

宋史藝文志

宋林英發撰

讀書附志嘉定庚辰郡文學林英發修詩文集附焉唐陸鴻漸皮日休陸龜蒙皇朝

朱昂宋祁晏殊吳育楊徽之蘇紳石延年王禹偁張耒

諸公之作為多趙宏恩江南通志太倉州流寓宋林

英發永嘉人贅居嘉定知建昌縣戡定洞寇擢

知壽昌軍趙與憲常師事之卒葬蘇州穹窿山

盱江續志十卷

宋史藝文志

宋姜得平撰得平嘗官建昌軍教授撰此書

温州府志二十二卷

千頃堂書目天一閣書目明史藝文志作二十三卷

明王瓚撰温州經籍志此書修於宏治十六年文定官

編修時也經義考屢引其書以校萬厯府志皆不及其

永嘉縣志

卷二十六

三

詳核今傳本罕覲惜哉自敘太一既判兩儀位矣形而
器體夫道行乎其中而綱維之是形而下者可紀形而
上者實在焉先王疆理天下物土之宜達其志而通其
欲齊其政而修其教未有不道而冒為者禹別九州定
其山川分其圻界條其物產辨其貢賦周則夏官掌九
州之圖以知山林川澤之阻地官掌方志以知地俗春
官以星土辨封域秋官掌圖地以辨財用九穀六畜之
數司徒掌土物人民之詳以佐王擾邦國家宰實領其
事而亦總為史官之職其即事即物有條有倫孰非道
之著也遷固任陸而下有志輿地者眾矣君子猶或議
之則志事豈易言哉溫為東甌古壤在浙東極處枕江
界溟天設奇勝危峯層巒環控四境蟠幽宅阻一巨都
會民風土俗之良尚矣載籍有紀蓋起於晉如永嘉記
是已繼是為圖經為志為譜為編作者迭興歲久湮燬
皇明洪武己未任守敬一脩之然所紀悉起運初務未
及重熙累洽之盛也況當詳而畧當約而泛其亦奚所
鈎考以為政化資哉弘治庚申吉水鄧侯安濟來知郡
事誠察民俗崇邁文教銳有志於編纂方勤撫綏未遑
也越三年治治民和郡以無事爰命瓚等於南塘日新

寺緣舊志而輯理之候時臨閱焉商訂得失酌量去取
刪繁就簡黜駁登純振鴻纖而罔漏貫繳味而畢舉凡
六越月而成編總爲二十二卷卷爲之敘則鄙意欲以
識顯末示警發也雖然志所紀者若郡邑城池形勝風
俗山川土產賦役學校公署宦職科第人物爲類不一
皆器也由器揆道存乎其人是故有郡邑則有治之之
道有城池則有守之之道有山川則有位之之道有土
俗則有敦之之道有賦役則有均之之道有學校則有
育之之道有公署則有居之之道有宦職則有治之之
道有公署則有居之之道有宦職則有治之之道有科
第則有與之之道有無器而自行也吏斯士者依於道
無道而自淑道不能無器而自行也吏斯士者依於道
以制器生於斯者依於道以爲器重其所以恢闡見
聞開廓知慮舍志曷觀哉觀紀事之文而妙會言意之
表真知夫道器之不相離以厲其職分之當然則志之
助與爲大斯鄧侯輯志之本心歟賡備員史官之後而
又生長於境內則輟志固其職也識陋才疎愧無以副
而還朝戒期則其勢宜弗能精以詳也補正闕疵而嗣
理之瓚於博洽君子有厚望焉同事者鄉貢進士蔡君
芳參詳其事者同知李侯增通判劉侯塘推官何侯鼎

永嘉縣志

卷二十六

表

指揮陳侯瑤弘治十六年癸亥春三月
下十有三省而浙爲首浙十有一郡而溫獨遠溫之去
浙千有餘里枕閩福控台括實東南沃壤倚山爲城環
海爲池有五邑爲之聯屬有三衛八守禦所交錯布列
爲之保障際海之外皆裔邦居之是郡雖遠而關繫則
重矣今也山不裂石海不揚波民安於田里而吏安於
職守者豈非我明天子御極聖德廣被海宇廓清而致
然耶撫今思昔可深慨者自元主中國天下淪胥及方
國珍據海上溫更被其荼毒斯民之不幸一至此哉我
太祖高皇帝再造華夏降方氏於海隅夫然後溫之舊
染汚習一切除去維新善俗油然奮興式克至於今日
神功聖德昭揭宇宙高三王而過五帝矣故准來守此
邦卽欲求方氏面縛之所想像其形容以彰我聖祖功
德使海隅日出皆知休養生息涵煦百年之深者幸生
大明之世亦君臣之體然也夫以一郡之小而清明之
治體關焉生民之休戚判焉郡志其可不修耶郡故有
志簡或脫漏辭或繁複覽閱之際淆雜可厭於是謀諸
王太史思獻重加編輯思獻郡人蓋有不得辭其責者
況嘗修國史修會典而何有於茲哉淮無似自登第以
來周旋民事二十餘年剖符於溫又若與山川人民社

稷相默契者是志之修實維素心憤僭據而感皇仁凡以爲是民也公務之暇參詳其去取刪定其可否務實損益之中而得乎紀載之要文雖簡而意必該名一存而實必副出建郡以迄今其山川之美人物之盛道學之懿政績之詳本末精粗一以貫之而無遺矣展卷舉目了然具見庶幾吾郡人士知今之所以安於太平無事者皆上之賜且因一郡以知天下也

温州府志八卷

國史經籍志千頃堂書目天一閣書目

明張孚敬撰時嘉靖丁酉

自敘父子君臣人之大倫也舍此言治皆苟而已溫古揚

州之域比宋遂稱小鄒魯我朝皇上嗣位朝議率宋漢王故事以皇上考孝宗叔興獻皇帝舉朝力爭余曰此倫理綱常攸繫獨上疏上親覽之曰此論一出吾父子可終完也此議遂定漢宋俱成陋習矣禮成余忝官黃閣十年以老病乞休觀舊志深有憾焉夫吾溫城池風俗山川人物與夫宮室邱墓書目詩文之類間有可觀者采錄之孰有大於明倫者哉千百年之下孰有過於此者哉書此作郡志序

永嘉縣志十卷

千頃堂書目乾隆縣志作九卷

明王叔果撰嘉靖丙寅邑令程文著刊

自敘古者諸侯之邦必有史今

邑之疆域視古侯邦庶務叢焉民風吏治人才出焉志以紀之其史之遺乎志與史體殊而用一是故其事貴核其辭貴雅其義貴正而嚴匪是則眩眾數觀而不足以鑒省矣取於志嘗見太平謝文肅公志有永嘉志序而未睹其書吾鄉王文定公宏治間作郡志迄今踰六十載其間人事世變夥矣雖嗣有纂輯亦多廢而不傳予家食頃暇懼文獻無徵欲有效於鄉邦而友人文王拱甫氏則嘗受郡公之命從事於茲而未就緒爰相與續訂別爲例作九志不啟局煩餽不使眾聞知假館於白塔僧舍屬兒輩編輯書成乃質於鄉達諸公以祈是正顧詞義蕪陋且多所僭踰竊懼不免於教而微罪焉爾邑侯程景山公覽而善之曰吾聞入國問俗學古入官是編固政之紀也豈惟文獻攸徵哉請屬諸梓人以爲從政者鑒焉遂畀之程文著敘古者列國各有史官皆茂選時獻如晉董狐楚左史倚相之倫是以春秋之書概

多實錄仲尼得因爲經以垂教戒自郡縣之制興咸總
於朝廷而外史無專職碩人瑰士迺始因漢入志爲省
郡州縣等志職非世守任不盡賢於是蒔蔓紛華樸
陋無彩制作紛紜而醜好始多類矣著承乏永嘉至則
求舊典而考民風時鄉先生憲使西華王公適有新編
既三閱歲始得受而卒業則歎曰秩然有序粲然有文
若斯志也可以語不朽矣夫志以地擘故首輿地非官
沿革故次建置治以生民故次食貨民非神莫主非官
不治也故次祠祀次秩官於是乎制科立而賢俊興焉
故次選舉次人物卽復有當志而非其正者則以外志
雜志終焉夫序者申厥緒者也非序則端弗明論者闡
厥義者也非論則微弗顯贊者也非序則端弗明論者
弗彰九志陳而三制備夫然後故實明而鑒省昭矣故
曰若斯志也可以語不朽也雖然予竊有大懼焉夫志
莫非子事也今旣三年矣風俗增偷則輿地學志不
宏則輿建置催科政拙則輿食貨民福未臻則輿祠祀
宦蹟不著則輿秩官若其選舉人物之彬彬者固山川
之毓奇而昔賢之教在也曷足以逭余責哉予行有日
弗可追矣謹序刻之以裨後之君子

温州府志十八卷

(四庫全書總目)千頃堂書目遜學齋藏明槧本

明王光蘊撰

右布政丹陽湯日昭序東甌為郡內錯萬山外連大海重岡複嶺蒼蒼鬱鬱而風濤

迅速倏忽千里海上諸夷若在門戶戎心叵測桴鼓時聞甌雖僻在一隅實當東南要害其牽綴彈壓關係十倍它州也歷觀往牒東甌君長七閩南越皆據有疆土南面稱孤宋季播遷於焉駐蹕遂議遷都事雖不果而地重可知已且也林不芻栗魚鼈之饒牢盆之利甲於他郡其民無不衣被文綺吹竽鼓瑟六博蹴踘些窳不事事而好游閒往時島夷蚋集毋亦醯以致以之地則重若彼以民則饒且怠若此惕侮予之咏待暴客之來海波雖揚戶牖不撤甚哉甌之不可忘備自宋元而已然矣我國國家特設重兵牙制蕃列藩臬大吏建旄開府其中飭防訓士厥有司存蓋巍然一重鎮也經制備矣而紀載缺焉余不佞嚮守是邦悵舊志之闕佚而思一編輯之鞅掌簿書不遑咨訪則貽書王宣州若其弟憲副君請受簡無何不佞遷秩浙西則又貽書守劉君若林君請決筴無何不佞以右轄復治兵東甌矣於時王君適謝宣州憲副亦以入蜀還里於是守陳君繼至

慨然董其事相與分局編摩殫心校核而宣州君實載
筆於茲朞年而告成事弘治以來九十餘年之部覆一
朝具發不惟觀法備而諸所沿革悉陳鴻鉅並列足稱
信史真千載之一時矣按郡故有志或詳於民事而畧
於兵或分志於五邑而畧於郡不佞卒業是編則輿地
幅員之廣狹建置祠事之廢興戶口食貨之登耗官師
文獻之汗隆犁然具焉至若尺籍應募之士幾何人峙
儲之粟支幾何歲朦朧幾何具弓矢之張刀劍之
鐔錢弑之其厲何若水陸犀甲布列何所地圖輟輟
之險可以絕道扼關設伏以裨金湯者何在歲時簡校
步伐驅馭兵將之術何施烽燧一舉援枹而前直可以
按籍而稽借籌而算余不佞職在疆場故於此篇三致
意焉後之人求折衝於樽俎則方策具在矣是役也郡
邑大夫及鄉耆紳僉謂不佞實始終之若天假之會也
而屬余序諸首簡余惟採摭筆削實三太守及鄉先生
之力爲多餘何敢獨掠然予從事茲土前後十許年經
畫兵民粗有緒理不敢矯附削草之聲而自托於趙營
平不嫌伐勞之義其亦可藉以少報塞乎則不敢讓因
諾而爲之序萬厯三十二年夏四月上澣知府漳浦
陳公相序昔我太祖高皇帝定寰宇畫邦國於海邊諸

郡經制獨詳而尤莫詳於甌輔以三衛九所翼以三關
九營樓櫓甲兵星布雲屯非以甌爲東南重鎮全浙所
恃以輕重哉余觀夫東甌勝狀複嶺重崗環若列幃崇
崕峭壁若指戟長江滙其北大河經其南周遭迴伏
若血脈之穿貫襟帶之拖束以故明初盛時端人正士
朋興輩出與海內英賢競爽遊斯地者或以文章風流
著或以節槩勳名著彪炳炳令執鞭有餘慕焉夫
非以地靈相協應耶以經制之備若此山水之奇若此
文物之盛又若此是焉可以無志甌固有志其來舊矣
然自宏治以迄於今越百年而不修其間沿革損益殘
缺散佚者多不可執以爲信志或幾乎廢矣於時當事
者非不有槩於中率謙讓而未遑卽或搜緝編摩見有
次第竟未卒業豈志之成固有待耶余舊宣州也至於
是邦則與謝家玉樹後先重逢謂非此生厚幸適王宣
州季宣以所修志相質余喜邁其會而樂觀其成遂欣
然直任之不辭昔夫子志夏殷之禮傷杞宋之無徵非
獨其記事缺也爲其所以綱紀世道維持人心者湮沒
而不存也以今觀之甌志非不詳於紀載然山川有定
位幅員有定界賦役兵戎有定額宮廟廨宇有定制秩
祀典禮有定規例不可以不志卽志有不備各有司存

不失尺寸夫國於天地有與立焉要其所以長存而不朽者不在是也乃若官師之得失人物之盛衰忠孝義節之微顯風俗習尚之淳漓則所關於世道人心者甚大是故收之不可不廣而品之不可不精蓋典刑既遠則清微不顯揚於溟洋則法戒具存觀斯志也將必有勃然興鯁然恐瞿然而感化者矣子貢所謂道未墜於地賢識其大者此也是一國之信史也是役也方伯湯公實經始之前守劉公與林君相繼肆力雖參互考訂非出一人然始終載筆者宣州始終董成者則湯公也稿既具矣余不能贅一詞惟其可爲綱紀維持者惓惓與宣州協力商確焉諸固不暇及也志成付梓爲序弁其端萬曆三十二年甲辰冬十一月既望知府晉江蔣光彥序余受符東甌甫下車考政問俗惟條晰興革利病是亟適郡之新志成請序於余余披閱之纒纒具矣開局編摩前三守及一二薦紳爲之余役至不任載筆亦不敢受勞但及觀厥成不復贊一辭也余因是竊思之夫魯天子之事守春秋亦魯國之志仲尼因之作經寓法於褒貶進退以爲華衮斧鉞考所筆削書地爵名氏不過隱桓定哀間赴告策書征伐會盟之事當時則載非時則已未嘗遠引旁涉上記軒轅下考夏殷杞

宋之無徵但闕之而已蓋其慎也綱羅天下放失舊聞
上下千載勒成一編太史遷始爲之班孟堅稱其不虛
美不隱惡然至於是非之際猶以爲頗謬聖人有遺論
焉大氏蒐囊太多則考核難據推畧益遠則瑕瑜失真
傳信闕疑雖生當聖人之後尙有所存說而不敢盡乃
欲以一人之臆見一時之懸斷令終古及今行事皆詳
而無畧皆得而無失鮮不誤矣夫若斯虛實錄之難也
故與其強執而信之不若姑俟而疑之與其訂燕郢於
往昔不如慎亥豕於今日茲掌斯事紹正之大都云余
按東國舊有志始自漢晉迄於明興數千年間一郡遺
文古事靡不畢集博矣外駁故有雅馴亦多乃宏治以
後之書缺焉薦紳先生問以弘正軼事遑遑難言顧弗
深考竟弗傳或時時見於他說多不可信是以當事者
有概於中思一編輯之從始事底卒業竭六七年校讐
力約煩補遺於舊有加今告成書矣夫此東國地耳錯
山帶海匯江經河如故也要害何常之有漢時爲東海
王稱孤竊據之都宋時爲天子駐翠華之所而今但東
南名郡藩大吏與二千石所建旄設軾而治百姓者也
郡邑亦何常之有或屬會稽郡或屬臨海郡或爲永嘉
郡又或名緡州不置郡或廢括州爲永嘉或廢永嘉復

栢州唐置温州屬越宋因之後改爲瑞安府而今則以郡名溫永嘉瑞安俱隸邑也吏治亦何常之有王逸少謝康樂兩君子其著者春艸也不流連虐出游賦詩不廢閣乎而今守若令但兢兢奉三尺救過不贍何暇論繩墨之外也廢興乘乎勢沿革因乎時變通存乎人夫亦表時記事而已今無暇詳引請言其概往者弘正之際歐稱治郡矣恬熙承平民不知兵三衛九所星布雲屯但具設令有備耳彼一時也嘉靖之季島夷內訌驟薄城下相顧無兵內地被其躡蹂後是以有增營增募多置樓船軍之議隆萬以來海濱復靜軍士但坐食仰給縣官費月餉歲支無以繼近是以有言汰言練罷應募兵之議然而已設者終不可罷靡費者竟莫能省也昔苦無兵以強今稱有兵以肥此其故可思也一謠俗也昔何以樸今何以靡一丈伎也昔何以馴今何以雕一訟獄也昔何以簡今何以煩一供億也昔何以減今何以增一財賦也昔何費而有餘今何節而不足當亦輓近世通變得失之林也按之舊事何必盡同仲尼修魯史但曰授其弟子爲有所議刺褒諱挹損不可書見太史公言漢廷事有所表見多不虛如其指也亦少褒矣往往於封禪平準諸書中微見其刺使人深思

而自得之今史氏貶謫盡廢細不用大率治行志人物
志所稱有賢賢無賤不肖乃近古長厚不非大夫不招
人過之意夫借勸以爲懲舉一而風百襲予不虛獎溢
無爽礪世庠俗宜若可爲矣仲尼論政布在方策此其
大畧也盜能無失存之以俟君子一郡權變近俗易行
有足采者班孟堅謬史遷其自著漢書反貽人目睫之
論滋議之難一也蓋自古歎之余何敢知但且政此爲
方策矣萬厯三十三年乙巳冬十二月既望（知府長
樂林繼衡序）東甌新志成郡守吳航林繼衡觀之首閱
輿地見沿革曰世代之變遷也若是乎後來繼今紛更
且安窮也及分野口誰謂溫遠是有牽牛之分於天其
尙茫於襍祥之徵及疆域山川曰此於浙其最東者歟
控閩引括枕江界溪嶂巒四塞沃腴千里太平之雄鎮
草昧之狡窟也夫及橋梁津渡曰溫水國也匪是民莫濟
矣然而渡可虞也■飭之耳及風俗曰懿哉人勤於力
省於事知恥自愛浸淫於儒則誠小鄒魯也試問閭閻
其亦尙有敬鬼信巫者乎其亦尙有火瘞溺女者乎有
司化導鄉哲儀刑可以幡然變矣閭建置及學校曰國
家以此壚也范溫士而鑄之肖而范故大可用也無若
躍冶然人且以爲不祥及郵舍曰嗟乎是世之苦於橫

擾而勢莫禁者溫僻在隅可以少安閱祠祀曰夫血食者以報且以勸匪是者宜毀彼宜廬不廬反日熾何耶閱食貨曰昔先王任土作貢十一而賦三日而役國足而民有餘今物產非加蕃土田非加拓生齒非加夥然而誅求之額倍蓰他日叫囂隳突雞犬靡寧且東南民力久稱竭矣一溫安得獨裕吾儕司牧無亦保障是爲豈其朝夕繭絲攘肌及骨以爲籌邊乎扼要而屯星羅棋也閱兵防曰思深哉信國之籌邊乎扼要而屯星羅棋布鯨鯢揚波虎豹固在山也如盡得練韜鈴挾忠烈者表裏犄角之何憂於島夷閱秩官曰此莫非天工代之而曠之乎夫誰敢閱治行曰赫乎偉哉心苟在民風流治恪勤亦治廉厲治寬和亦治吾與二三有司請於王謝以下諸君子自擇而慎處一焉毋第豔羨筆墨山水之娛取諸效贖也閱選舉曰科目非古也迨觀溫名碩茂不繇是夫敷奏以言明試以功亦猶行古之道乎焉用多歧其以滋倖竇也閱人物曰山英川靈其洩於是乎道德勛烈節行文章如雨如雲此暉彼映彪炳當年焜燿來禩生是邦也夫亦其有景心景斯奮奮斯肖矣及列女曰此夫妾婦而丈夫者耶奈何世有丈夫而妾婦者也可媿已及方技仙釋曰道之所不載也然而郡

有之矣存而勿論可也閱藝文曰人以言傳言以人傳
兩者皆不朽而人重矣閱祿志及遺事曰悲夫航海之
役有心哉文山乎天若再宋溫亦趙家之卽墨也方氏
何人其欲爲搖乎勢窮就彌祇遺錢氏三王嘔耳是么
庶竊據之前車也志及此詳矣閒蓋有見而不議者焉
是志也監弘治癸亥志而刪潤之增以正嘉慶厯百年
之蹟幾易裘葛而始脫稿爲卷凡十有八前郡守京口
湯公勑其議大梁劉公嗣其志鄉大夫王洞王公光蘊
省菴王公繼明董其裁博士余君承蘭陳君大奎弟子
員周子恭戴宗璠等共其事而先今郡丞羅君應台陳
君禹謨別駕王君錫命彭君創基司理朱君道相則偕
不佞樂其成者也遂並敘之萬厯二十八年秋九月旣
望（光蘊自序）自昔有國必有史素人裂國而爲郡史
遂闕焉後之君子更而爲志其紀錄畧與史同而史有
專官世相及也志惟有位者之所委畀更數十載而始
一修之其所重者在於品藻人倫昭示衡鑑使世有所
勸而懲焉史以官爲守故得善惡並書以信其筆行其
直志徒載筆近史而非若史之有專官也其所書者非
郡邑大夫則鄉之先達亦不得不有專官矣故自好之士
往往引嫌自託而違不爲志而使一郡之經制典籍放

夫而用一王之法以繩列國之諸侯然不以爲避者其
有以自信也士君子誦法先王稱引孔氏高論千古而
隳宗國之盛美不傳廢賢守相之業不述亦不廣矣吾
溫故有志其可考者始於宋永嘉譜至我明洪武初有
圖經志弘治間而宗伯王文定公瓚始更爲之迄今百
年矣萬厯壬辰京口湯侯來守吾郡方議修輯尋以遷
秩行大梁劉侯繼之進博士弟子而諷焉東甌古稱鄒
魯惟是文學爲彬彬諸弟子鼓篋膠庠淵源具在今文
獻之謂何爰命啟局各殫其所聞知踰一期而志成爲
卷凡十有八既秩然矣會侯移守畿輔而繼以長樂林
侯按成書而手自欸摘寄不佞蘊於宣州郡齋惟執事
之正之也蘊謝不敏而會宅憂山居林侯請益力且以
先大夫之有永嘉志也曰無以予小子召公是似蘊惟
郡志之輯殆踰百年宗儒鉅公代有作者豈其獨有難
焉而令蕪廢至今則具不佞前所指矣使不佞必引避
誰當卒不避者乃受而卒業稍爲整齊詮次間爲論著
以發其義蓋因乎成書者十九而附以臆說者十一要
以原本山川綜覈民物兵刑賦役焯有成規典則文章
昭然並舉大都一稟於令甲而酌以時宜秩王章明法

守敦本尚實以蕃衛民使教化有裨焉亦庶幾矣蓋百
餘年而先後沿革是非興壞之迹瞭然也長人者而衷
以爲治都人士景行高山有餘師焉東甌之文獻其不
亦有徵乎哉書旣成而會湯侯以右轄治兵於甌以其
始之未竟而樂今之有成也更手校而正之清漳陳侯
以加諸梓自丁酉首事幾十年以俟今晉江蔣侯而工
始克竣觀成焉吁其難哉然不佞竊有懼焉馬遷史籍
千載擅場而孟堅猶將求多儒者律令春秋猥繩百氏
多受不忍以病子長衆口之難調久矣不佞惡敢望遷
而繆成茲役微惠郡侯暨諸博士以幸成籍所掛漏而
衡決者爲不少矣世有辭焉烏以藉口惟平生斤斤繩
墨自信靡他袒焉示人以受羣射不佞何心以都人士
之心爲心耳抑不佞之有茲役也因鄉國之故實以牘
而存之非不佞自以爲私也集鄉國之羣彥以筆而成
之非不佞自以爲能也蓋居是邦而操觚能言之士皆
與有責焉乃不佞僭承之不佞之罪也而東甌文獻幾
佚矣因以不佞是不佞之罪不佞之所安而不敢以爲
避也將有博雅君子篤古自信嗣成一家之言比於春
秋以維世貞教則是編也其以先草創備遺忘不亦可
乎哉庸書以爲序萬厯三十三年乙巳秋九月
四庫

全書總目是編成於萬厯丁巳凡爲類十二爲目七十
四頗多舛畧如形勝門祇畧序舊志數行而梁邱遲永
嘉郡教所稱控山帶海云云祝穆方輿勝覽所稱郡當
歐越之衝云云皆未之載此皆失諸眉睫之前學校門
祇載梅溪雁山兩書院而永嘉書院之建於宋時載於
王圻續文獻通考者亦不及詳其挂偏可想又治行志
中分郡邑良吏爲二門體例亦嫌繁碎(温州經籍志
此書卷首題郡守湯日昭總修訓導陳大奎教諭余承
蘭郡人王先蘊王繼明纂修據季宜自序則倡修始於
日招而定本則出季宣手通志題陳余諸人同修蓋偶
未審志凡分十二類首輿地次建置次祠祀次食貨次
兵戎次秩官次治行次選舉次人物而終以雜志季宜
爲西華副使子家學淵原世傳文譽故此書體裁尙爲
淵雅凡例稱宏治以前大都仍舊稍稍刪潤之正德以
後則據五邑新志又采永嘉譜所載故實舊志遺脫者
以補之故其書中雖小小疏舛所不能無而校之近時
康熙乾隆諸志則終爲近古矧訛補闕漁獵不窮況永
嘉譜明以後久佚王文定所修正德志今亦罕覯此書
既以兩書爲藍本故所紀宋元以前舊聞佚事尤多有
根據不似流俗地志率憑虛臆造不可究詰年代寔遠傳

播絕稀印帙偶存誠吾鄉之寶笈也至四庫總目以學校門失收永嘉書院一事議其挂漏攷此志之古蹟門蓋已載入因明時書院已廢故有門不復紀述修書諸公於全志先後義例未及言有此論矣

永嘉縣志十七卷

乾隆縣志

明王光蘊撰時萬厯庚子

自敘夫志猶史也古者列國有史世史職之大史遷守父

之業於陰陽儒墨名法道德靡不究其要指博咨諏而精考核斐然成一家言叔皮傳心史籍緯以國典孟堅嗣爲漢書絜長龍門故古今史家二氏稱嚆矢焉迨世史職廢而後世藝文之士率爲野史私乘以備史官採擇庶幾古遺法也永嘉志故無考嘉靖末先君輯九志撫故實羅散逸纒纒乎備矣刻板近燬蘊竊傷之又念往爲志迄今幾四十年時積事夥失今不續後將多佚矧手澤具在哉頃受校郡志稍稍悉顛末隨奉同安林侯之命遂於退食暇按前志鈔而續之閒補其畧而仍舊志什五夫子之績是志也非敢自附世業而曰纂述有加於前也惟征科雜需往苦煩蠹自均平經賦而疲困甦島夷奔突往虞瘡毒自海防戒嚴而寇患息人物

著傳往以世概次而獨行罕述今類倣諸志列以品目
碩彥旣表而韋布砥行者亦附施於沒世總之遙追先
猷而概於世法徵之見聞而副在掌故勉卒業乎父書
亦徵靈於山川也與雖然蘊不能無懼焉志之用所以
昭往訓來輔政教之所不逮也顧往蹟易溷名言孔訛
載之不審不可謂昭影附聲傳不可謂審於志實有缺
亦何訓之能爲先君學行軌於先程前所爲志主於嚴
正爲鄉邦所信傳非一口矣蘊固陋蕪淺愧不能有所
闡述而繆事鑒觀僭於論說則深以昭往訓來爲兢兢
爰屬讐校付之剞劂厪以嗣前修而備遺亡焉耳如曰
良弓良冶世受其裘以竊比史氏小子何敢承敬以釐
正埃之邦人君子知縣上海姚永濟敘永嘉山水秀
甲東南蓋自謝客游覽篇章與巖洞映發土沃壤厚風
美俗淳余聞之父老無家詩書戶花竹士大夫彬彬
禮讓卽間左負販相貿易亦溫其詞色恥啾啾競價行
人值昏暮或避風雨驟而入人家父兄子弟悉出勞苦
次第供具不必有平生半面也黔首嚴事官長凜凜畏
三尺村翁田父訓子姪恒以早輪稅急公家爲務有頭
白不識縣門者余心雅慕其土風頃乃從東陽移官永
嘉而喜可知也始余聞人言東陽俗澆甚好鬪健訟號

巖邑比余下車殊不爾余壹以慈和簡易治之東陽元
陽者治之日可坐而登於理夫澆與淳亦何常之有視
上之人所以風之者邑故有志創自西華王先生其子
季宣君重修焉法嚴格正事核辭宣則犁然矣邦士大
夫以余濫竽令長屬一言弁首余所知邑士風淳美至
其山川迴合建置沿革人物臧否吏治汚隆則良史之
不律章章焉簿領脩父烏能贊一辭見循良則飲冰見
苛墨則探湯是令事也自康樂品示嘉山水後風流文
彩照映林壑詞人韻士接踵至今烈烈焉標韻勝矣然
於吏治之汚隆黔首之利病則邈不相關也者東西漢
傳循吏不纂入文學傳文學不纂入吏治要各有重
焉乃今觀循吏之列在志中者班班矣是我曹
後來者之師表也余為吏言吏故獨詳焉以此

高淳縣志十四卷 江寧府志

明項維聰撰 自序余視淳三載許徵天之幸亦三載稔
蔚然顧而喜曰邑實庇余余何能庇邑居無事事取舊
志讀之慨然嘆焉此誰非吾民之利病勸戒所繫而脫

畧乃爾將何以重一方光千禩也於是秦生尙賓陳生
毓靈吳生山巍輩詣余以重修請余謝不敏然於義於
時非所敢辭遂擇日開局講編摩之役隸都邑者諏諸
耆里隸學校者諏諸青衿隸故實者諏諸縉紳先生各
出所聞衷以膚見而授簡於吾鄉張君子檯以總其事
近期志成余以邑長當序簡首序曰邑有志所以紀載
往跡助流政教也志久而議修所以備因革著時變也
桑田滄海陵谷亦以遞遷大輅椎輪質文乘而異尙爲
政者可膠一定之柱刻中流之舟乎夫政之因也以時
時之趨也以漸趨不可已也亦不可極也爭乎時者禁
之不趨也任乎時者逐之而趨也故爲政者不禁其趨
亦不逐其趨察乎時之所以來導乎時之所以往非詳
核於今昔因革之故其道靡由矣今嘗三復斯志而有
慨於治之因革也因不必論論其革者官民二田也昔
殊糧今一則矣馬場昔種馬今改而租矣漕米國計也
昔本今折矣鹽法民利也昔用單今改食矣寺田緇流
左藏也昔坐享而今且輸公矣他如戶減也因而減里
事省也并以省官揆情而宜度勢而順窮則變變則通
而治民晏如也此非更張之善者乎乃可爲扼腕者曩
者黑蜨爲崇陽侯佐之蕩滔產十餘萬原野蕭瑟至不

可支邇年以來復多傳派今閱歲額如神宮監米豆光祿太倉折色諸費皆故籍所不載先世所未起者田土則昔有而今無供億則昔無而今有誰實生厲貽之梗乎是用列之條款別以新增後之人讀而維之卽未能蜀新稅以復舊制亦不至開蟻穴以徇末流庶幾亦隨時拯溺之策耳抑余猶杞慮焉故老爲余言文皇帝時齊尙書秦仕而見誅人以儒諱里巷非襮襪則襤褸無咄咄者二百年來家絃戶誦依然鄒魯彬彬文學矣嘉隆之際俗尙醇惻民環堵而居大布之衣而今易以爽塏彫其桷橈被絲而曳綳者且絡繹道路也俗故負氣見犯則戟交手令尹之庭易爲輸服耳而今稍稍習規避矣以質若彼以文若此時則使然夫盛者衰之因微者積之始吾未知詩書禮樂之不爲浮靡嚆矢也吾未知弘敞鮮麗之不爲淫汰前茅也吾未知聰利巧便之不爲知故赤幘也因時之宜挽趨之極其在令是邑者與二三君子共圖之哉此余修志意也若夫名賢徽行貞女芳標清修拔俗之操慷慨好施之誼人有獨擅善有殊稱亦各鉅細無遺詳略互見總之與善何害從寬毀譽吾無其心知罪亦聽之矣覽是志者外驪黃而得之是爲序萬厯三十四年丙午永嘉項維聰撰 鄞人

張子檯序往余輯建平志建平君曰關文例也志大凡
而可蒐羅稍疏不無挂漏焉迺項令君目之謂亦足備
一方典因閱高淳舊志大以脫畧爲慨遂馳函邀余授
筆札之役余至以更修大指請則曰長世字民務在析
利弊欲析利弊必考典革淳自分壤來百有餘年其間
事變屢遷若滄桑然不辨而紀於籍蔑以鏡俗求理矣
語詳令君自爲序中余歎曰令君其大有造於淳至此
乎夫奉藩守宇者率以刑獄錢穀期會簿書日不暇給
稽古理文似非切務卽事纂修又惟被飾厥章用垂名
氏其於吏治民艱不必盡晰也亦多軌迹可遵里閭懾
然安父無煩更要束也者而淳則可異矣儒風民俗奢
儉質文之趨旣若狂瀾之莫砥其甚者滔天巨浸息壤
難堙產沒民流日腴月削此還定安集之不遑而征求
之額且迭增也令君謂田土則昔有而今無供億則昔
無而今有此尤其扼掣痛悼之最切者蓋力能挽者旣
不顧利害以身肩之而格於時勢之不可爲則務爲憫
恤若所云催科中撫字者而未已也悉列於籍用詔將
來興革而利則示永宜仍興革而弊則亟當圖罷寓深
慨於微詞於民瘼三致意焉皆令君所授指也令君英
風霞爽才轡古今以鴻藻魁南宮出箱銅墨潔齊冬冰

恩湛春露撫綏之餘猶塵靡騁之慮冀後之治涇者按籍而究時艱隨力拯救猶之令君在事也甘棠蔽芾樾蔭依然所流惠於涇者寧有涯矣則是舉也實此邑不可已之要典匪直具文也卽翰墨爲動績矣不者山川方域猶故也建設儀文有昔規也食貨獻程循用無改也往牒已載何復更爲第余智固挈瓶裁慚驅墨編摩無術竊擬輪轅所幸邑有名公碩彥各勤採獵開廣聞見集衆美以裨余而飾漏翦蕪提掇領要則攝柄於令君余僅爲次第之如此及期役竣爲天文志者二地理志者一十有一人事志者二十有三總一十有四卷極知散骸貽誚大方然記事述情視建志稍詳矣明年令君遷南水衡余再訪之白下會刻成爲識顛末於末簡萬厯丁未孟夏朔姚鼎江寧府志項維聰字聽所萬厯時知高涇縣勤政惠民榜其署曰冰壺暇日課士不倦文教丕振纂修邑志克備三長士民思之特爲祠祀

永嘉縣志十四卷

雍正通志

國朝林占春周天錫撰雍正通志康熙癸丑知縣馬璵聘

邑人林占春周天錫修壬戌知縣鄭廷俊續修王錫琯

序

鄭廷俊序今天下車書一同共球四集三代以來幅

員廣大未有如昭代之盛者也永嘉爲古郡名考之
曩昔在兩浙中山川秀麗疆域豐饒魚鹽輻輳頗稱樂
土典午以來如孫興公王逸少顏延之謝康樂諸君皆
以儒雅風流董陶習俗嗣是碩佐名賢後先踵起至今
有小鄒魯之稱感矣哉余不敏忝宰茲邑直閩變後駭
鹿初歸哀鴻甫集雖山川如故也疆域如故也而人物
荒涼財賦蕭索戎馬雲屯羽檄雨下芻蕘糗糧日疲供
億昔之所謂沃壤今之所謂瘠土矣余撫此兵燹遺墟
而簿書鞅掌庶務蠅紛戴星出入不辭勞瘁公餘稍暇
欲搜舊邑志而瀏覽之但舊志修於明萬厯間距今八
十餘載前者散佚失次後者遺漏無傳致令風微歇絕
盛事不彰亦邑有司之責也時癸丑聖天子命修通
志頒行郡縣前令關西馬君暨邑博士樊君聘鄉貢林
君占春周君天錫輩編輯成稿草創未備余徇衆請再
聘名儒入局考訂刪其繁蕪增其缺略詞簡而核義約
而該於以紹往訓來扶風礪俗垂諸不朽庶幾其有裨
於邑治云帙成授梓乞鄉先達弁之先達咸以余司民

牧自應在吏言吏因不避固漏援不律而序之惟冀當
事諸公鏡臨情事思以綏殘疆而恤疲民究利弊而圖
興革庶孫王顏謝之永嘉或可復見於今日也夫溫
州經籍志俗吏喜以刊修志乘爲己名往往有修補版
片一字不易而輒添序跋案案自稱補續者延俊敘中
所云真僞蓋未可知今仍以周林原書著錄其通志所
傳王錫珣序
今亦未見

樂清縣志十六卷

道光丁亥刊本

國朝鮑作雨張振夔同撰

前令陽春劉榮玠序伊古載籍

無不朗若列者其惟史乎史之所載上而天文五行
下而地理職方禮書樂書以明人道平準食貨以驗物
情可與可觀之歌可泣胥於是乎在士君子得珥筆雍
容廁身修明之列其亦足矣余性好讀史而學淺才疏
又甫捷南宮遽膺民社未由從史官之後私心憾焉歲
在乙亥自孝豐調任樂成邑縣劇日勞勞於簿書錢穀
之末學殖幾落矣既而披覽圖籍取邑志而閱之不禁
喟然曰嗚呼此卽一邑之史也夫史之所載周於四海

而志之所及園於一隅若不可同年而語然由邑以達
於府由府以達於省由省以達於一統事有相因理同
一貫志在修明者從而留意焉亦當代得失之林也何
必史顧樂邑之有志始於宋淳熙間其後有元樂清令
馮君修之又其後有明邑人侯二谷修之前後相去多
者二百餘年少者亦百數十年事多缺如本朝啟運
文治聿新康熙癸丑命天下郡縣各纂集志書將以上
諸當亡邑令徐君奉文修輯宜若可觀顧其時三藩甫
定兵燹之後文獻難徵故爲書亦多闕畧又自此以迄
於今百四十載久未重輯不特損益廢興無從稽考而
且孝子順孫漸埋沒於蔓草荒烟之下義夫節婦幽魂
莫慰此有心風教者所爲掩卷而太息也余久欲修之
而未暇癸未歲爰與邑中諸君子謀延請瑞邑名孝廉
鮑雲樓先生就其書而續訂之草創未就余適陞任乍
川然雖道里相隔此心未嘗一日忘也歲丙戌書始告
成諸君子郵寄來示余受其書而讀焉首輿地終雜志
中別爲十二門義例一準史法凡天地人物莫不詳著
於篇有善必彰無微不表而所謂孝子順孫義夫節婦
者亦諮詢採訪或遺漏潛德幽光久而彌顯其有裨
於世道人心者豈少哉異日朝廷開國史館命儒

臣博採圖經并蒐羅佚事以備纂修是編當必有可取者真可通於史矣余既喜其書之有成而因以歎其用心之良苦也於是乎言道光六年丙戌季冬郡博海昌陸景華序歲丁亥門下士鄭生耀廷以新修樂清縣志屬余序且告余曰吾邑志乘明以前久佚所存者惟國朝康熙二十四年重修之本其時奉文纂輯迫於程期又掇拾兵燹之餘率多闕誤越今百四十餘年矣文獻無徵徒深慨歎後訪得明隆慶志爲邑前輩侯二谷方伯所修體裁較密文亦稍詳始請之邑侯商及同志廷同郡鮑雲樓張磬菴兩先生總其事諸同人旁搜博採閱三載書乃告成蓋修志之難如此而或且議之謂近代以來郡邑志不啻充棟新城王尙書獨推康對山之武功爲最以其文簡而事覈樂清舊志二冊今卷帙數倍於前繇簡何懸殊歟不知對山之志武功總目七篇雖一邑之志實自成一家之書故與他志體例有別且志以網羅文獻爲宗非徒以簡爲貴也吾邑瀕海負山地廣而僻志久未修學校之興廢人物之盛衰田賦兵制之損益職官選舉之隆替忠清節孝之流傳聞見異辭謬訛承襲斷無容簡且率者蓋修志之難而不敢憚其難也如此余謂生之言誠然抑更有進焉樂在

宋元明時人文蔚起著述甚富近則板籍銷亡斷簡殘
編收藏無幾久之而數典忘祖并前哲之嘉言懿行盡
付之過眼雲烟墜緒茫茫誰執其咎是志之不得不修
修之不得不詳窮源竟委折衷一是以信今而傳後誠
諸君子之盛心而尙可以繁簡論哉余因撫生言而識
之以見修志難而修樂清志尤難者如此道光丁亥
賈聲槐序高際盛序戊子王丹壁序俱不錄溫
州經籍志此書分十二門曰輿地曰規制曰學校曰田
賦曰兵制曰職官曰人物曰選舉曰藝文曰風俗曰物
產曰襍志每門又各分子目大抵以隆慶侯志爲本而
參以省府各志及先哲文集補其未備體例頗爲詳整
輿地門山川一卷尤爲精審凡例謂府縣舊志紀山皆
似嶧山未免失實茲特仿太平志敘山皆循次第綱師
禹貢目師山經獨蜀釋嶧區以別矣敘水則用酈道元
水經注一綫貫串兼用齊次風水道提綱別列支流於
後以清靡目今覆按其書知非虛語也餘若沿革表鉤
稽史志糾正俗說物產志博徵倉雅增綴方言職官選
舉兩門亦能考證列朝制度條舉件繫襍而不越在吾
鄉地志中足稱善本雖其間小有疏舛如謂漢東部侯
官卽東部都尉而不知其當爲東侯官謂樂成之義取

大樂正造士七年小成九年大成而不知永嘉郡記書
字或作城以祭鼎儀範爲王東巖作而不知其爲亳州
道士王與之所著攷木榴嶼卽今玉環不知其又名地
肺山他若人物門有鄭湊傳藝文門載潘翼著述均誤
收流寓若此諸條尙待補
正然其大體則無可議也

歐乘補二十卷

永嘉黃氏藏手彙本

國朝黃漢撰自序人生同此賦畀而嗜好各殊然專泥詩
拘於墟也漢少習舉子業緣家貧嘗效闕譯傭書旣而
素筆四方聊餬口以自給第自愧溝瞽無識蓮幕監筭
而結習未忘每於晦明風雨間手一編弗輟閒見諸書
有載及吾國地輿人物故事輒爲筆之簡端邇來遊地
旣廣閱書頗多而所得愈夥積久成帙因溯古及今次
第編輯而釐訂之得若干卷名曰歐乘補蓋以補郡邑
乘津逮所未及視舊乘中所遺佚者得十之五六異同
者十之二三餘或類涉鄙瑣怪誕爲先正所不屑取詎
可旣以津逮未及論聊而漢則敬深桑梓一草一木弗
敢廢棄故識大識小兼收並蓄以備他日士大夫修志

去取是亦李肇作國史補章慙作吳事類補之遺意也
後此再有聞見更當擲拾而續補焉夫豈止於此哉雖
然士生斯世弗克奮志努力充其學問經濟以補世用
顧乃厯碌風塵蹉跎歲月僅僅以剽竊羣書爲務爲有
識者所姍笑抑又何取焉茲不揣冒昧爰卽是編以質
諸博雅君子未悉有所許可否也倘不以在鄉言鄉園
於淺近者見譏則鄙懷宜何如欣幸耶
溫處道陶士
年歲在壬寅仲春小若山人黃漢自序
霖序物以勢而易散事厯久而就湮古今同此慨也然
欲一弭其憾使殘者完逸者聚非補不爲功漢儒補樂
記考工補冬官東廣微補亡詩韓昌黎補許傳補之功
鉅矣哉浙江東甌開於漢著於晉盛於唐宋自昔號小
鄒魯其山川之奇特人文之蔚興生聚之蕃衍物產之
富饒代有志乘以記之者所以補史氏之不逮也雖然
可補者豈惟史策哉功德施於人聲名著於世膾炙衆
口稱道不衰年卽遠無庸補也下此善於鄉賢於族烈
於家當時盛稱過而聞寂縉紳不及知父老不及舉留
待後人搜而補之往往然也甌豈獨不然戊戌秋余蒞
茲土辨利弊禦寇盜勸學文崇善良日孜孜焉求有補
於風俗人心而未暇尋章摘句較訛刊謬已五稔於斯

矣邑有黃生者淹雅士也來脩相見禮坐譚之頃探懷
呈所輯書編曰歐乘補請序於余公餘卒閱之舉多闕
發幽光道揚善類博採他說以補郡邑乘所未載蓋亦
心乎義而勤於學者矣噫斯人也余特不知其能補以
言而即能補以行否也且不知其能補後人之修乘而
亦能補余之治國否也然觀其書推其心可想見其爲
人是爲序時道光壬寅嘉平月溫州經籍志此書皆
記溫州舊聞爲郡縣志所未收者按時代先後排次惟
經籍物產藝文仍以類聚其採自他書者皆節錄元文
閒附評論至近代軼事得諸傳聞者亦注某人述其採
撫尙爲不苟惟攷證未精如永嘉漢爲永寧遂并魏長
孫澄封永寧伯鄭孝穆封永寧侯亦收入不知拓跋版
圖不及江表也五代錢鏐改橫陽爲平陽并梁李彥封
平陽伯亦載入不知唐以前無平陽縣也他如以宜春
劉靜春爲樂清劉文肅公以丹陽洪興祖爲溫州洪慶
善若此之類不可枚舉惟於國初以來軼聞瑣事紀
錄頗多可爲續修志乘之資其詩文七卷亦多府縣志
所未載雖不盡注出處體例不無可議要亦有餽文獻
也之書

右地理二 郡縣

鴈山行記一卷

直齋書錄解題文獻通考

宋陳謙撰直齋書錄解題嘉定己巳遊山直至絕頂得

所謂鴈蕩者前人蓋未之識也然繼其後者亦未有聞

焉

會唯廣鴈蕩山誌陳謙鴈蕩編鴈蕩山巖巒奇怪難以殫述大概此山數百里谷遂峯峯疊行不能徧東西

谷列十八寺自黃巖東來先經雙峯石梁院次登謝公

嶺入東谷經靈峯淨名靈巖能仁寺而東谷盡矣自能

仁分徑入西谷經羅漢石門凌雲寶冠院而西谷盡矣

若自樂清縣入山則反是今遊山者率至道傍寺而止

僧厭客喜穢惡不芟故奇勝之蕪沒者甚眾如所謂鴈

蕩不惟不到亦不識也不惟行者不識寺僧山樵亦不

識也有客捫磴披險至其處始見蕩歸著行記於是人

知有蕩矣溫州經籍志陳易菴鴈山行記元以後久

佚廣鴈蕩山志所引鴈蕩編疑行記與永甯編之

文然明胡汝甯鴈山志未載未知曾氏何所據也

陽明洞天圖經二卷

世善堂藏書目錄

宋陳謙撰

江心志

千頃堂書目

明釋宏斌撰在成化初

知府邵銅序永嘉江中孤嶼雲樹參差宮闕巍煥憑虛屹立於

金鰲背上而四顧紅塵咫尺今春余以烏臺遷守茲地公嘗耳而慕之者非一日已矣今春余以烏臺遷守茲地公退之暇每過其所穹堂與殿傑閣修廊勢若浮於江上往來登覽之美哉萃於茲焉一日住持思佶謁余官舍拜而請曰江心之勝歷代以上詞人韻士形諸題詠者多矣惜乎未之刊刻以傳於世茲特哀輯古今先後詩文凡若干篇成一巨帙題曰江心志敢丐一言以序之實徵大惠而不敢忘也余謂山川雄偉秀特之氣僻在江甌海澨而使空虛寂靜者坐以守之其實智巧之所營構而善察幽勝者之所專美也今思佶釋氏能不拘於其法從遊文士大夫閒異乎緇流遠甚其於研窮宗旨之餘孜孜汲汲採錄名賢佳什以垂示久遠其用心

亦勤矣哉余故不拂其意書於編簡之首用以永其傳於無窮也

仙巖志六卷

四庫全書總目千頃堂書目作四卷

明王應辰撰

四庫全書總目仙巖山在浙江瑞安縣境為道書第二十六福地嘉靖壬戌兵部郎

中永嘉王叔杲屬應辰為此編首載圖景次錄詩文序尚頗簡潔

三吳水利考八冊

絳雲樓書目

明王叔果撰

李維楨王公墓誌銘公備兵蘇松常鎮四郡故習吳事上海防運道利害凡十餘條

而采漕政所宜興廢著書曰三吳水利考吳人奉為挈令

陽湖小志

王介園藏稿

明王叔杲撰

王叔果序郡郭之西鄉多山水而陽湖為最勝余仲氏陽德甫為諸生時過其地愛

而購之稍稍芟夷闢蹊園旋治為墅墅成而亭臺池逕木石諸景遂擅稱焉四方薦紳先生樂道其勝積之得

記文詩歌若干篇仲氏彙爲小志梓而藏之山中始陽
湖未爲墅也蓄畬灌莽耕犁蒙翳迨地靈天啟仲氏挾
其奇秀環湖之境盡四時朝昏之觀飛蓋輕舟戶屢常
滿遂使海野一區名聞吳越間然則山水亦有遇哉顧
墅之治爲隱計也隱而志以文之何也李愿盤谷得韓
子贈言聲施百世而賀監鑑湖亦以咏歌託之不朽余
兄弟幸反初服投閒林泉魚鳬游咏雲水徜徉日取高
賢所嘗題品者嘯歌其間庶幾哉盤谷鑑湖矣噫此陽
湖所以志也亦將
永矢於弗諼也歟

江心志六卷

千頃堂書目
述古書目

明王光蘊撰時萬厯庚寅

自記予讀水經凡江海類稱
奇觀而江中有靈區浮巨浸

如仙山者若京口金焦南粵海珠及吾甌孤嶼三山則
尤奇已三山皆以寺名金焦峭立俯瞰驚濤多異狀而
地不夷展海列千峯掩映西塔盤危磴而上下視江流
明秀百雉屏列大阜錐卓繁陰密翠中靚秀爲叢林
浩淼蕩颺東塔踞大阜錐卓繁陰密翠中靚秀爲叢林
冠梵宮樓閣金碧相輝引望九斗山如列掌潮平月午

空明無際燈火起郭外錯若繁星與魚燈相間游人率
戴月而渡四時朝昏光景變幻視金焦海珠甲之庶幾
方壺絕境也頃從同志游家參政賜谷公語不佞蘊曰
茲山標靈寓內且忠賢俎豆在故所建置吾相諸大夫
新之矣惜無志籍殊爲缺典爾其圖之不佞無似乃稽
古蹟哀輯古今詩文爲志六卷夫金焦當要津綠處士
焦先以名孤嶼雖介僻壤謝康樂文文山王梅溪與我
明卓忠貞輩樹之風聲大地諸天託以不朽然則是志
也信乎其不可已也豈徒侈江海奇觀已哉王叔早
序歐故稱山水郡其峙大江中有孤嶼夾兩山勝狀金
焦東西建浮屠中爲寺自唐迄今廢而興成化初寺僧
宏斌緝江心志詮次無法頃予修舉廢墜語從子蘊爲
志志成序曰歐之山奇勝無如鴈蕩峯泉澗谷靈峭萬
狀然宅幽而阻或脅息不可上且羸糧艱負梵宮日廢
非好奇與有力者罕至孤嶼麗江上烟波爲隣市郭相
望游人或興發則振衣而往一筏可航釀酒擊鮮杖頭
易辦朝昏風月之境用之無禁而取之不勞視搜奇抉
勝於深厓峻谷者蓋相絕也昔袁絢從蘇長公遊金山
適中秋一碧無際加江流傾湧月色如畫遂登妙高臺
令絢放歌子每於孤嶼欣賞斯景若撫謝亭而懷康樂

摩宋翰而感靖康拭文碑而弔信國展卓祠而哀忠貞
後先賢蹟煨煨爲江山生色而町衡擊節憑虛四顧吹
臺引子晉之笙華蓋想容成之室象浦追襄陽之咏白
鹿遊記室之蹤靈峯繡錯光景滿目又未嘗不徘徊而
興思也嗟乎天地積水大千土堆江山人天之觀皆幻
境也釋氏語云著境起生滅如水有波浪卻爲此岸離
境無生滅如水常流通卽爲彼岸此其旨通於吾道于
嘗憩江心齋居靜觀儼然有悟焉然則所志秀靈與古
今遺事蓋莫非明心見道之助也或謂名山水惟空寂
者主之可以永託彼山水永託者有在覽斯志可以觀
哉知縣陸問禮序東甌山水佳勝甲於越地而孤嶼
居一焉孤嶼在大江中一部婁青螺髻耳而險峭橫絕
四顧空奇雙宰塔坡直挂青漢憑巔遠矚則雲物吞吐
魚龍出沒變現無際足盪人心胸又以近接甌城方舟
可涉故高賢曠士古德名縉遊蹤所至無不攜謝朓驚
人詩來搔首欲問青天昔時謝康樂孟襄陽輩品題卽
壑點綴江山流傳勝槩並託山靈此志所由纂也予祖
古松公叨守茲郡惠政洽人衆心思慕至今弗諼予又
承乏東嘉克繩先軌父老追崇曩蹟爲建一祠於孤嶼
之麓以祀予祖予時來瞻謁停車登眺心殊樂之昔羊

叔子愛峴山風景酣意遊適至謂人曰吾百歲後魂魄猶應登此後人見峴山碑每為墮淚杜預征南紀功手募二碑一置萬山之上一沈萬山之下欲使滄桑雖變此碑尚在予即不敢步二公後塵而祖孫兄弟後先宦轍似與東甌山水有緣得分江心片席地為五馬尸祝之場則斯嶼也雖謂予祖之峴首可也庶幾托此志以不朽無用沈碑萬山為矣

鴈山四記一卷

乾隆縣志鴈山集寫本

明王光美撰光美字季中號玉蒼叔杲子光祿寺署正

江心志六卷

乾隆縣志

明陳陞撰陞字君納一字陸之時天啟丙寅

溫處道副使江陰顧

言字東甌故以山水擅勝其福地洞天如二鴈二若天臺吹臺諸山所在著奇然皆幽僻深阻游者艱焉孤嶼去郡城纔數百武雙塔排空地橫江上儼若浮大海一卧槎與潮汐相波盪游人估客所必經者而登眺稱便

說者謂孤嶼靈秀彷彿潤州之金焦然金焦爲余所習
游地其聳拔詭麗向背變幻似於金焦所獨賞孤嶼之
夷曠隔絕巖崖脩然自遠若語寒暑陰晴雲物吞吐大
概與金焦共得驚流怒湍之助爲多焉其六代以前
不甚著自經靈運之品題少陵襄陽輩之賡咏海內益
知東甌之有孤嶼者矣更宋而思陵駐蹕宸翰騫騰信
國羈棲辭章昭揭最後如我明卓忠貞與陸郡伯之祖
孫兄弟以其勁節惠政堅禪刻字共詭不朽孤嶼舊有
勝金焦者其以是乎誰謂江山不以人重哉孤嶼舊如
志所載諸古蹟名賢僧寮祠宇及詩大畧具而庠土如
陳生陞者又增輯所未備而重梓之復以余承乏茲土
繆以其序見屬余不能辭聊爲次其大都者如此
府西陵周之夫跋東甌多名山水不具論直去城數百
武有江心寺幽情宏敞山光爲樹色映帶潮音與梵喫
爭響四美備矣利上名賢祠宇亦不具論稍近者爲陸
古松先生祠先生某年爲温州守溫人至今尸視勿替
最近者爲今大觀察衷虛陸先生祠先生舊爲永嘉
令有聲以治行第一徵又與古松先生爲耳孫蓋盛事
也之失抵守任之先一日以待吉泊舟招提前爲之登
岸眺瞻兩陸先生祠下徘徊久之旋偕僑偶集飲其

上成二詩別去嗣是便簿書奔走寢溲半廢同人道於
牛馬馴至陰陽之患浹旬不瘳歸志已決逢萌之冠不
日掛矣非獨厭此俗吏大段與山靈無緣也竊謂古松
陸先生猶然守耳何以令溫之人如周人之思召公清
德徽猷誠難縷指要亦以其時雍容太平譬之神爵五
鳳間五單于解辯庶民安其田里而無愁歎之聲而黃
穎川乃以循良特聞致足述也今之爲守者異於是進
退維谷笑啼俱不敢救過不給而欲膏澤下於民此實
難矣長才異能方圓兩畫世豈無人倘猶然中人以上
乎則非之夫不佞之所能知也君子於此可以觀世焉
故因諸生陳陞之以志見示遂不辭而題其後爲東國之大作家嚆矢

江心志十二卷

四庫全書總目

國朝釋元奇撰元奇號月川時康熙乙酉

學使彭始博敘余嘗讀謝康樂

咏江中孤嶼至亂流趨正絕孤嶼媚中川心竊慕之顧
蠟屐尙未及也迨歲丁亥奉命校士東甌公餘偕永
邑楊令君放棹中流爲孤嶼之遊列坐兩峯間樓閣岬
嶸金碧璀璨水雲環繞樹木交映遠迓子晉之臺近接

容成之洞驪珠出海爛熳燦千尋蜃氣凌空變幻萬狀至
其岬立萬頃烟波吞吐雲霞呼吸潮汐四壁空浮一塵
不染更是海上蓬萊方將與十洲三島相爲鼎峙令人
嘆觀止矣徘徊移晷寺僧月川煮茗相獻因言此地夙
稱東南勝區登眺棲息代有高賢卽思陵駐蹕後來
尤多名流向有舊志滄桑幾更無復有存邇來編集所
遺且於近世諸名公遊覽佳什蒐羅補續爰成十有二
卷付之剞劂工已竣矣願乞片言以弁其首予思震旦
山川閎奇博大不可縷指若東甌自洞天福地外所爲
孤嶼者洵非易邁顧可令其不彰乎矧圖經具列俾探
奇攬勝輩不俟驂鸞駕鶴而可挾爲卧遊之具也耶月
川不惜己費爲孤嶼謀不朽其功匪小子雖不及如謝
公之高吟絕唱而憑眺之下又烏可無一辭以贊其成
也哉（知府裴國楨序）東嘉山水奇勝不可言而孤嶼
踞蜃江中傍睨郡城與九斗相向岬然與岳陽之君山
潤州之金焦震澤之洞庭爭奇海內而孤嶼得謝客一
詩膾炙人口其相傳更遠名流眺躋爭觴詠其地搖筆
賦詩代有盛事顧志或缺如殘碑卧碣剝蝕於荒烟蔓
草迅風甚雨之中可歎也月川上人卓錫孤嶼之江心
寺有年矣慨然以修志自任厯數寒暑編綴成帙梓成

乞序於余嗚呼上人不專事梵唄以錫飛棒喝相矜尙而獨有志於志乘口吟手披力爲蒐羅俾名流勝蹟悉藉以傳不朽後之君子覽斯集者恍然如坐孤嶼與山靈相揖讓也又豈獨謝客一詩爲千秋之絕調也哉
四庫全書總目江心寺在温州府北永嘉江中卽謝靈運詩所謂亂流趨正絕孤嶼媚中川者也宋高宗嘗幸其地稱爲名勝明釋宏斌郡人王陽谷始創爲之志元奇因舊本重加編輯凡紀蹟一卷敕書一卷藝文八卷世系雜記二卷
知府趙恒序不錄

廣鴈蕩山志二十八卷附游法一卷

永嘉曾氏刊本

國朝曾唯撰

自序謂鴈山無志乎曰有謂鴈山有志乎曰無隋之圖經失傳已久嗣後未見專書惟續

文獻通考載元李五峯十記一卷論者謂可當鴈山一部小史然不得竟謂之志也明初釋永昇始編鴈山集一卷漢溪潘氏譏其詳畧無法不足徵嘉靖間朱蕩南輯鴈山志四卷僅傳其畧雖得章千峯侯二谷爲哀續集猶未詳也國初李初菴博採詩文施六洲考覈山景可謂詳矣後有作者豈能出其圍範於此而語人曰

鴈山無志其誰聽之夫所謂志者以傳信也稍有不實
卽不得稱爲信史矧承譌附會種種舛謬若是其甚乎
予遊屐屢經端居多暇思合諸志而彙輯之正在采摭
間聞樂邑廣文先生四明范藕萍先有所纂假以參觀
畧者詳之蕪者除之析爲三十卷脫稿後復就正同里
友人程養齋再加釐訂於是鴈山眞面目始露坐客見
之躍然起曰舊志以鴈山爲宋開鴈湖爲湫源謝嶺爲
康樂拾唾相傳已千百年於茲矣今一旦發矇振聵耳
目一新山靈稱快卽謂鴈山向未有志志自今始可也
予應之曰若非前人輯有成書予又何所憑藉辨別眞
贋譬琢玉焉昔之人雖經槌鑿未離乎璞也譬揀金玉
昔之人雖加淘汰未盡其沙也予特不敢以璞爲玉以
沙爲金耳亦豈能舍璞而求玉舍沙而求金乎訂傳聞
之誤搜隱秘之蹤因舊志而廣之敢云作哉客哂而退
卽名吾書曰廣鴈山志乾隆五十有四年歲在己酉重
陽前五日鹿城曾唯識於依綠園之入畫樓學使朱
珪序鴈蕩周迴百八十里之洞天也自開闢以來閱靈
怪奇雖以康樂鑿山開勝而僅得其外郭之斤竹古人
疑以爲海水激齧沙去而石骨留亦善狀其玲瓏欽歎
之致矣然而峯峯皆如鬼工雕鑄形態萬變而無不酷

肖似爲帝釋真靈之幻戲不可思議者也予於乾隆丁
未仲冬按試浙東自台之溫由大荆山芙蓉取道山中
不迂半程然所涉覽僅得石梁靈峯靈巖馬鞍及四十
九盤嶺耳晷短力歛雖龍湫之瀑未暇窺也何論鴈池
輒爲詩九首識之已而樂清教諭范君鉞以所輯鴈蕩
山志示予曰初得施生元孚志稿較以明朱諫舊志後
永嘉曾君近堂復出國朝明經李翁菴本參互考訂
鈔爲三十卷可謂備矣夫茲山以險僻得全其天巧而
無人工穿鑿之故奇然讀侯一元鴈山供億之議則尤
物尙足以累民可不慎哉游之勇者莫効於徐宏祖或
梯而上絕壁或縋而臨深谷梯窮濟以木木窮復濟以
梯梯木俱窮則引繩揉樹幾與飛猱角勝矣乃見鴈湖
之頂窪者不啻六焉其水分墮於南北皆與龍湫無涉
龍湫乃出常雲峯北絕頂之南夾鷗中此其源也欲窮
茲山之勝非飛仙畸人不能瞰其肺腑矣昔蓮池大師
游天台欲往鴈蕩以惜人力不果行好奇者得是書而
卒讀之亦可以爲臥游之一助云爾乾隆五十四年歲
在己酉立夏大興朱珪溫州經籍志唯字岸棲號近
堂喜蒐輯溫州文獻嘗著東甌詩存四十六卷已別著
錄此書以朱蕩南李翁菴施六洲諸志參合編訂在鴈

山志中最為完備首為圖二十七卷一為山總卷二至卷十山水十二物產十三寓賢十四方外十五紀異十六至十八並為藝文而以遊法一卷終焉其凡例謂舊志有三大誤一誤聽筆談宋開之說置隋志唐蹟於不問二誤認大猷出自鴈湖不知內外異谷隔嶺三誤傳謝嶺為靈運所經而嶺東謝家奧未經詳究相沿已久習焉不察其考訂亦頗精審惟據薛良齋賦注引隋圖經謂隋時已有鴈山圖經不知薛所引者乃郎蔚之隋諸州圖經集見隋書經籍志非鴈山專志其考鴈蕩開山不始於宋僅引隋志芙蓉山及舊志明時掘得昭明太子碑之說不知太平御覽引永嘉郡記三原灣三京亭二條足為晉宋時鴈山已顯之確證蓋三原灣即三京亭原京古通薛賦注謂即今照膽潭也他如藝文一門采摭既多舛迕尤眾猶未脫地志家之習也

孤嶼志八卷

嘉慶戊申刊本

國朝陳舜咨撰

自序余覽郡志經籍鄉先輩撰述纂輯有名者夥矣今訪求其書則皆亡佚散墜百

不遺一即鈐板偶存而美粹與踳駁時復不相掩豈向之佚散墜者皆此類乎惜乎終不得一見之也江心

寺者孤嶼中大刹也江心志數冊獨存於寺衲之手而
舛謬非完書嘗戲與客談若江心寺志可直名江心志
則志護國寺可稱護國志太平寺志可稱太平志開
元寺可稱開元志舉世曠曠當不知是何物祇在此一
字去留間況其中元黃謬敘岨岨不安珪璋餽金之錯
見也哉夫孤嶼著自六朝歷唐至宋而益顯其間時主
之宸翰高賢之履齒名流之題詠遺蹟多有後之薄遊
斯土者流連風物憑弔古今每不勝世運推移之感賢
哲存亡之慨焉夫豈徒山川清曠梵刹嚴雅足供登覽
已哉則是志亦探討者所必資而榛蕪滿眼安所須此
余掩關多暇不揣庸陋為增損釐訂之而附益以時
彥藻翰重命剞劂若夫後之亡佚散墜也余不得而知
也嘉慶丁卯楊兆鶴序不錄溫州經籍志陳拔貢
舜咨號春堤所編孤嶼志以釋元奇江心志為藍本因
舊志名不雅馴取謝靈運詩語改題其書卷首為勝蹟
餘則皆藝文於舊志略有增刪亦間增考訂如辨林伯
庸卽林教授常釋法幢卽林中允增志亦較舊志稍為精審也

右地理三

山水河渠
古蹟附

永嘉縣志

卷二十六

吳

武昌土俗編二卷

直齋書錄解題文獻通考國史經籍志

宋薛季宣撰紹興辛巳壬午間季宣令武昌所編武昌

爲邑舊矣肇自孫吳建國爲郡爲州進而督藩降而邑縣官司未嘗改也山川未始變也物名稱號多因時而革者雖邑之父老間或不忘其故它州攷古之士將無所稽據焉仲謀陶庾之風聲幾何而不泯也不有書志其何以傳武昌記舊有成書世久不見中更俶擾並與圖經而失之近縣令唐時顧遺墜之罔收倩故家子雷某追錄圖經中事收拾采綴十舉四三謗謬不倫比不而足名都要會世所共聞舊事所修來者斯問端倪不對負愧多矣儒行屢方以知地里況令長之職官乎故走本記披圖旁求稗說參諸故老訂以前言附見風土成武昌土俗編二卷俾邑之遊者不必問問者不必語開卷畧舉以代煩言爲省事之一端用備遺亡云爾至於兼收遺佚以成土地之圖上裨天子之司徒則吾豈敢又書武昌土俗編後武昌土俗編錢木於紹興壬午走既才庸學寡加縣出兵荒餘燼無藏書以攷閱往事上非者舊無所質疑姑盡所知搜羅野老之說草創編

帙垂被代而出之凡聞見之所未周或知之而未悉皆不及著其間名號更易不可究知當去反留當書反闕者一書之內夫豈不有自求其失則所未逮故書編目求取正於當來惟乃仁人矜此愚昧撻瑕補過易視聽於傳疑使走不以此為妄人乃朝夕庶幾焉者六月庚午書於筠鄉書舍

嶺外代答十卷

直齋書錄解題文獻通考四庫全書總目知不足齋叢書本

宋周去非撰其要廣右二十五郡俗多夷風而疆以戎索海北郡二十有一其列於西南方者蜿蜒若長蛇實與夷中六詔安南為境之南郡又內包黎獠遠接黃支之外僕試尉桂林分教盜越蓋長邊首尾之邦疆場之事經國之具荒忽誕漫之俗瑰詭之產耳目所治與得諸學士大夫之緒談者亦云廣矣蓋嘗隨事筆記得四百餘條秩滿束擔東歸邂逅與他書棄遺置勿復稱也迺親故相勞苦問以絕域事驟莫知所對者蓋數數然至觸事而談或能舉其一二事類多而臆得者浸廣晚得范石湖桂海虞衡志又於藥裏得所鈔名數因次序之凡二百九十四條應酬倦矣有復問僕用以代

答雖然異時訓方氏其將有考於斯淳熙戊戌冬十月五日永嘉周去非直夫記四庫全書總目周去非字直夫淳熙中官桂林通判是書即作於桂林代歸之後自序謂本范成大桂林海虞衡志而益以耳目所見聞錄存之故曰代答原本分二十門今有標題者凡十九一示之故曰代答原本分二十門今有標題者凡十九一門存其子目而佚其總綱所言則軍制戶籍之事也其書條分縷析視嵇含劉恂段公路諸書敘述爲詳所紀西南諸夷多據當時譯者之辭音字未免舛譌而邊帥法制財計諸門實足補正史所未備不但紀風土物產徒爲談助已也書錄解題及宋史藝文志並作十卷永樂大典所載併爲二卷蓋非其舊今從原目仍析爲十卷云溫州經籍志周直夫嶺外代答凡二十門一地用十食用十一香十二樂器十三寶貨十四金石十五花木十六禽獸十七蟲魚十八古蹟十九蠻俗二十志異惟第四門缺其目據自敘蓋其初筆記本四百餘條後次序併刪爲二百九十四條讀書附志撮錄自敘暨舉初記條數誤也其書敘廣西諸州沿革風土最爲詳悉所載外國則多得之傳聞自粵中互市番夷及宋時

貢獻之國外皆未能詳審蓋海外輿地自古茫昧不止直夫此書也

慎江史逸四卷

花萼樓集

國朝周天錫撰自序史逸者何郡邑史之逸也蓋聞諸陶歎然彼獨行君子耳吳公維陽知己名亦翳焉龍門於天子父僅稱太公於戲誰責哉余喜談梓里事偶有覩記輒筆存之間參郡邑史十闕其五因喟然作史之難也冬青行灼灼霽山集中別紀強附之玉潛東湖樵夫樂產也移而台耳目之近且然矣余為此懼撫拾舊聞彙而成帙題曰史逸自序梁彝蓋見即寶之不無望後之逸余逸者又序史何逸乎郡邑史之逸也夫薦紳先生既科條之矣間多漏脫則以立例凌編纂迫渺見寡聞而博雅之君子弗進也家必有乘邦必有史今廢草野賢才不稱畧名卿高士良有司之業不載識者悼焉陵谷後余志不自得婆娑漫淫慨然而喟則取古今史省直志考之而賢才良有司與所論者十三四逸矣乃依往例采舊聞整齊成帙命曰史逸蓋歷十二年所云夫賢賢賤不肖史也俾後之君子勸小人懼余何敢任

唯取闡幽微顯之義別疑明是之旨紹往昔告來者述
聖漢以來至萬厯已酉止傳曰史失而求之野後之覽
者或有以知其志之所存書成藏

梓聞私紀花萼樓集梓聞彙紀同上

國朝周天錫撰

右地理四記

真臘風土記一卷四庫全書總目千頃堂書目補遼金元藝文志元史藝文志吳琯古今逸史本

陸樞古今說海本瑞
安許氏刊巾箱本

元周達觀撰總敘真臘國或稱占臘其國自稱曰甘李智今聖朝按西番經名其國曰瀝浦只蓋亦甘李智之近音也自温州開洋行丁未針厯閩廣海外諸州港口過七洲洋經交趾洋到占城又自占城順風可半月到真蒲乃其境也又自真蒲行坤申針過崑崙洋入港港凡數十惟第四港可入其餘悉以沙淺故

不通巨舟然而彌望皆修簾古木黃沙白葦倉卒未易
辨認故舟人以尋港爲難事自港口北行順水可半月
抵其地曰查南乃其屬郡也又自查南換小舟順水可
十餘日過半路村佛村渡淡洋可抵其地曰干傍取城
五十里按諸番志稱其地廣七千里其國北抵占城半
月程西南距暹羅半月程南距番禺十日程其東則大
海也舊爲通商來往之國聖朝誕膺天命奄有四海
都元帥之置省占城也嘗遣一虎符百戶一金牌千戶
同到本國竟爲拘執不返元貞之乙未六月聖天子遣
使招諭俾余從行以次年丙申二月離明州二十日自
溫州港口開洋日抵占城中途朔風不利秋七月始至
遂得臣服至大德丁酉六月回舟八月十二日抵四明
泊岸其風土國事之詳雖不能盡知然其大畧亦可見
矣讀書敏求記達觀自元貞乙未隨使招諭真臘至
大德丁酉始歸述其風土國事甚詳是冊從元鈔校錄
說海中刻者抵牾錯落十脫六七幾不成書矣四庫
全書總目真臘本南海中小國爲扶南之屬其後漸以
強盛自隋書始見於外國傳唐宋二史並皆紀錄而朝
貢不常至故所載風土方物往往疎略不備元成宗元
貞元年乙未遣使招諭其國達觀隨行至大德元年丁

西乃歸首尾三年諸悉其俗因記所聞見爲此書凡四
十則文義頗爲賅瞻惟第三十六則內記瀆倫神譴一
事不以爲天道之常而歸功於佛則所見殊陋然元史
不立真臘傳得此而本末詳具猶可以補其佚闕是固
宜存備參訂作職方之外紀者矣達觀作是書成以示
吾印衍衍爲題詩推挹甚至見衍所作竹素山房詩集
中蓋衍亦服其敘述之工云（郎仁寶七修類稿真臘
國在占城之西南元成宗時遣永嘉周達觀招諭之往
返一年半悉得其國之風俗道里海物土產一一紀焉
名曰真臘風土記（温州經籍志周草庭真臘風土記
元貞元年隨使諭真臘時所作其事元史無攷然其總
敘所述甚明七修彙稿謂草庭獨奉使非也總敘載唆
都元帥置省占城管遣一虎符百戶一金牌千戶同到
本國竟爲拘執不返攷元史占城傳至元十九年命左
丞唆都等卽其地立省旣而貢固不服招真臘國使速
魯蠻請往招諭云云所謂招真臘國使者或卽此金牌
千戶也至元貞招諭則史所不載僅賴此攷其叛服大
略矣又案萬厯府志別載周達觀真臘記聞雍正通志
經籍門作真臘紀聞明以來書目並無著錄疑真臘風
土地一名真臘紀聞傳寫又誤真爲真遂分爲二書今

之刪

耽羅志略三卷

千頃堂書目補遼金元藝文志元史藝文志

元李至剛撰

貝瓊後序耽羅距中國萬里而不載於史蓋以荒遠略之也至正二十五年樞密院

採曹永嘉李至剛從副使帖木兒卜花公往守其地明年奉詔還京師至剛以疾不得俱乃留松江因記所歷山川形勢民風土產編而成集釐為三卷題曰耽羅志略將鉸梓鐵崖楊公既為敘其端矣復求余說余伏而讀之因撫卷歎曰炎漢之興張騫以郎應募出隴西留匈奴中十年後亡至大宛為發導驛抵康居傳月氏至大夏竟不得其要領歲餘歸漢為天子言之未能有如耽羅之為詳也司馬相如之通西南夸至用兵而克之耶笮冉驪斯榆之君雖請內屬而長老且言其不為用者由是觀之國朝受命百年四方萬國咸在天光口華之下雖遐陬僻壤窮山絕島亦不得而外焉故至剛得與大臣涉海萬里而鎮撫其民未始賴一兵遣一鐵為國家病則視歷代之盛實有過之者而是編尤足補紀錄之缺使列之輿地中國之士不待身經目識而已悉

海內之境若過鴨綠
窺搏桑也於是乎書

右地理五外紀

永嘉縣志

林霽山
集拾遺

元平陽章壽撰見林景熙平陽州志序

温州府圖志

雍正
通志

明張升與平陽徐興祖同撰升為本邑訓導後升府學

教授千頃堂書目題任敬撰文淵閣書目温州府志十

二冊皆即此書也

任敬序皇帝龍興江左肇造區夏薄
海內外靡不臣服嘗俾天下具圖志

進上其事甚重也予承命來守於溫二年矣庶務繁劇
未遑他及洪武十一年夏會省部以修圖志責成郡縣
於是屬府學教授徐宗起永嘉縣學訓導張升集四邑
之耆年宿學相與採摭討論考究延祐東甌志而續補

其所未備者矧革命之後治化一新凡所損益在所當紀者乎夫疆里山川人民社稷田賦土產事實沿革此爲政者所宜周知不可不錄而人物消長風俗盛衰尤關於教化之得失又安得而後之哉嘗考自東晉置郡以來爲之守者如王羲之之治尚慈惠謝靈運之招士講書出是人知自愛向學民風一變沿及李唐人材稍出至於趙宋元豐治熙熙之間道學淵懿文物之盛庶幾乎鄒魯之風矣迨及有元餘韻尙存推原其自雖氣運使然亦承流宣化者代有其人也方今聖朝慎選守令興舉學校政將化民成俗以成三代之治予雖不敏敢不奉揚德意故是志之成命工錢梓而序其卷端使後之牧民於斯者得以觀焉則思因其俗而善導之不但求資於見聞之博而已也於是乎書

永嘉縣志十六卷

桃溪淨稿

明汪循撰循字進之號仁峯休寧人王西華嘉靖縣志

序稱太平謝文肅公有永嘉志序而未睹其書則此書

當時疑未刊行也

謝鐸序溫在兩浙爲名郡永嘉又溫之巨邑也蓋自宋以來儒碩薦紳項

背相望人益顯而地益勝幾三五百年於茲矣邑舊有志歲久殘缺且來者無所與續邦人病焉弘治戊午新安汪侯循來宰是邑既明年政通人和乃取舊志而參酌之總之爲十六卷既成以書介予所親章秀才玄緘來請予序予與侯有斯文之雅不得以不能辭惟古者邦國之志小史掌之四方之志外史掌之邦國各有自爲志所以紀一方之事若晉楚之乘與檇杙是也四方合而爲志所以紀天下之事若周之職方氏是也我朝雖所掌無有恒職而一統有志藩省郡邑亦各有志則猶古之遺制也然一統志采之天下作之朝廷其體重其勢疎則其爲志也固在所當略雖欲詳之亦有不可得而詳者矣自朝廷而藩省自藩省而州郡以至於邑天下之勢蓋於是乎極則其志之爲體昔所可畧者於此不得而畧昔所不得詳者於此不得而不詳況夫永嘉爲附郭巨邑郡之體統亦將於是乎在矣然則是志也安得而不作其作之也亦安得略之而不詳哉夫志不特紀已往之迹亦所以垂將來者之監焉蓋於建置沿革可以見世代之紛更於田賦物產可以見世變之

升降於人材風俗可以見世道之污隆於詩文政績可以見世運之興衰於是而視其善者以爲法視其不善者以爲戒則凡生長是邦與夫臨池其地者皆一舉目可以得之矣亦奚以他求哉此汪侯作志之意亦或古者小史之遺意也因推而序之不識以爲何如

永嘉縣志二十六卷

乾隆辛巳刊本

國朝天台齊召南仁和汪沆同撰知縣崔錫施廷燦教諭錢塘趙鎮編輯分三十一門崔序謂發凡起例一依郡志而實多不同卽以人物一門言之府志首儒林次名臣忠臣縣志首名臣次忠臣儒林府志項喬入儒林而縣志入文苑林裕陳宜中婁濬徐安行張孚敬王誨張天麟諸人府志皆入名臣而縣志則入仕績其他異同

甚多未能悉數也

鐵黃徐綿序嘉於國爲附郭邑環山

崔君經術飾治政通人和諸廢具舉以暇脩新志若干
卷且今以報最去而刻適成乞余序之余爲之慨然曰
事有不等於撫字催科之急而實關風俗人心之不可
緩者志是也周官外史掌四方之志其時諸侯亦各有
史記後漢光武始記南陽撰作風俗故沛三輔有耆舊
節士之序魯廬江有名德先賢之贊郡國之書由是而
作推其本原皆史類也夫彰往察來辨方類族將經制
軌事裨政庇民胥於是乎寄志固可終緩歟而俗吏多
急近功或藐焉而勿事或事之而以他務中止顧惟斧
藻其治上呼則胥趨上畫則胥諾薰心於章程律令而
簡夷乎故實文章不幾於繭絲乎哉故嘗謂令效于其
職無緩急也惟效其職則理苟身實在其職而以爲緩
者不足爲則進而丞倅進而一郡之守更進而監司位
愈尊則愈易曠名愈高則愈易諉嗚呼又豈有績用之
大可見耶余銜命觀察承國家累洽重熙之後朝
夕孜孜以冀宣布聖天子泱泱淪肌之化心喜崔
君之能治其所急而亦不慢于緩愈以見緩之無非所
急故樂爲之序以自勗焉

對城李琬序昔宋太平興

國間著令凡軍州郡縣滿四年卽以其地圖志上似乎
爲期太迫不知此古者陳詩納賈輅軒探風之遺蓋時
久則事易湮事久則眞易失定令固深意今卽不能
如古而永嘉縣志失修者乃至七十餘年大約爲吏者
溺於簿書不暇謀及於律令之外而學士大夫亦未
力陳之當事私勒爲成書者可怪也崔君晉三令永嘉
八年瓜期將屆亟亟纂輯爲卷若干旣成以示余余竊
惟之國家重熙累洽久道化成山陬海澨如家至而日
見之永嘉經耿逆變亂遺黎凋瘵今井邑繁富商賈輻
輳頓還舊觀又前代倭寇焚掠最慘今鯨波不揚浮天
浴日之區如枕席上過豈非法制禁令之善休養生息
之久吏民皆得奉法循理坐以無事耶然而習尙澆漓
遠遜浙東諸邑其巨室以積財爲雄而不知處善之可
風其士人以青衿爲榮而不知向上之有事若謂土地
之所固一成而不可變小杭州小鄒魯之目又何以稱
焉夫移風易俗使人回心而向道在牧民者加之意而
已西漢傳循吏六人東漢傳循吏十一人而趙廣漢尹
翁歸張敞董宣周紆陽綽之屬尙不與蓋其上以禮讓
爲治一夫得情千室鳴絃而次亦能嚴威明察俾奸頑
革面所謂如金在鎔惟治者之所鑄也今茲邑志之成

雖未能旁搜博考然一代之成規千年之遺跡具在也
誠能於山川則祛其疾疴於祠祀則致其虔恭於農田
水利則以時修濬而平均於學校師儒則以術振興而
鼓舞前哲已試之效皆參酌而行之則治何必不卓魯
俗何必不成康是志也即傅山陰之治縣譜也願以告
後之邑長於斯者三韓崔錫序永嘉志修自康熙二
十一年閱今歲久版剝落散失存者不及十之三人家
亦無完本余下車以後即有志重修而未逮歲乙亥觀
察徐公郡守李公雅意修郡志予得參未議敦請天台
齊少宗伯錢塘汪徵君西顯主其事歷再稔而告成繼
有事於縣志發凡起例一依郡志而綱舉目張徵引典
故根據史傳要皆科律省志爲得體裁工既竣展卷循
省夙志藉以伸而予猶不能無歉然者志乃史之支流
餘裔求其文贍事核非殫見洽聞不爲功昔孔子作春
秋得十二國之寶書而於老子郊子下逮師襄賓年賈
之屬無不咨訪然後文成數萬至言夏殷之禮則惜杞
宋之無徵是紀事纂言未有舍文獻而能成者永邑前
志距今八十年老成凋謝掌故失傳經籍所載自宋以
來名人著述夥矣無一存者學士大夫家傳誌銘叢言
勝史之留貽亦求之而不一得欲志之美備其孰從而

取之而詳之嘗攷前明宏才碩學接跡而興本朝王
阮亭司寇獨取黃才伯廣東通志李川父河南通志暨
舊藏陸鼎儀山東通志謂皆精審不苟而惜楊升菴四
川續志馬伯循陝西通志未及見由司寇之言觀之志
若是其難何哉蓋有博而不精者矣未有精而不本於
博者也今一代著作巨手才何遽不若前人乃徵文考
獻而石室名山竟同無字之碣齒危髮禿不啻無口之
匏不得據往迹稍加釐訂如史公所謂網羅散失放
佚舊聞者則頭白有期汗青無日子又烏能以無憾也
哉雖然周官外史氏掌四方之志以周知其地城廣輪
將以參乎人風以達其治也是以王制司徒之官於廣
谷大川異制民生其間異俗者詳舉剛柔輕重遲速器
械衣服而綜之以修其教不易其俗齊其政不易其宜
可知志之作臚其俗宜而重且大者端在於政與教永
邑素號小鄒魯理學名臣孝義節烈載在前志者班班
可攷彼都人士猶能嗣此流風餘韻乎未也覽斯志而
觀感興起重有責於化導轉移承乏八載執掌不遑
於風俗人心滋多愧焉冀來者改絃更張而補予之缺
憾是則予亟亟成書之意云爾
乾隆二十六年歲在
重先大荒落重九日
施廷燦序略曰永嘉縣志廿六

卷前合崔君因重修温州府志之役卽局踵修邑志其
搜羅參定懋矣勤矣抄謄旣畢付之武林刻工未竣而
崔君去任余承乏其後諸務蠅集於志乘一事未暇詳
也茲以輜軒之採甚急郡尊李公命邑志宜速告成以
便齋上館局余詢諸刻工俾先刷印一部以供披閱詎
意點畫錯誤字句脫謬篇卷顛倒是處皆然令人瞶悶
新城徐生求仲余已卯分校所薦士也雅飭多文乙酉
之春余邀來署值余同懷十兄亦入數事以記興廢日月
卽與共爲校正而余任內亦採入數事以記興廢日月
至於書首例重發凡崔君序中雖云一依府志然未繕
梓因倣府志斟酌數則冠於篇首乃爲完書責工修飾
刊改紳士等重以序請余思志猶史也惟是史則善惡
具書以彰直道而志所記述雖一技之善必錄於惡則
擯斥不書此爲少異永嘉古百越地自漢以前多無可
採逮宋則鴻儒碩彥比肩接跡遂有小杭州小鄒魯之
稱明季海氛扇熾我朝定鼎之初耿逆叛亂凋敝已
極今百年之間休養生息自茲以往觀感興起美不勝
書盛僅小杭州小鄒魯而已哉乾隆三十年乙酉桂月
鹿城書院集四庫全書總目千頃堂書目

明鄧淮編

自敘國家尊崇正學以隆世教凡儒先與聞

致力於性命道德之懿而又同出於一郡者不特舉而
專祠之其何以風勵後哲者哉夫溫之號小鄒魯也久
矣鄒魯之後千有餘載而後程朱張子者出倡明道學
以傳諸其後然旁觀列郡少或二三人多止五六人蓋
未有如溫之衆者今考之在程門者十有一人朱門亦
十一人南軒之門一人焉其更相授受往復之書具在
而其遺言緒論猶有存者況我朝編輯五經四書性理
諸書其語錄文集內有發明經註者悉見采錄則其有
功於道學亦大矣故予假守此邦寤寐諸儒而推本其
所師卽欲爲創書院採摘其行事問答彙爲一帙而同
寅李君增劉君塘何君鼎皆躋其是白於侍御陳
公秉衡憲副林公舜舉趙公栗夫悉蒙嘉諾而藩臬諸
公無閒言焉永嘉令汪君循乃相厥費度材擇良於鹿
城卜吉孟春不五越月而書院成尊程朱張子四先生
南鄉其高弟門人東西鄉以侑焉師友一堂宛然當時
氣象非徒以觀美也於以聞其淵源之所自表正學也
於是父老攜杖往觀者皆嘖嘖嘆曰自宋以至於今幾
三百年而始一見後學之入其門升其堂者徘徊瞻顧

如諸儒之在前而其景仰自不能已矣夫以聖朝學校
遍天下若無俟於書院者然前賢往跡風教所關況程
朱張子及門之士又非餘子可例論者乎故書院落成
卽採溫之有志於學者討論其中使密邇諸儒興起其
善則此邦正學之傳不待外求而自餘師矣此書院
之所以創也嗚呼書院創矣而諸儒之事行問答未之
統一學者難於遍覽爰命郡邑諸博士採輯數月始克
成編復謬加改正梓示同志曰鹿城書院集使皆得以
讀其書思其人而尙論其世焉然則書院之集又可已
也哉准狂僭之罪誠無可逃然表正學以正人心則愚
於此實拳拳云王瓚敘歲重先作噩夏鹿城書院初
成郡守吉水鄧侯淮集僚屬潔牲醴以落之祠宋程朱
張氏四夫子以溫嘗從學者二十三人侑焉旁列齋室
將以居邦之願學者章逢駢趨衆庶企竦以爲盛舉夫
嶽麓應天石鼓白鹿凡以書院名者悉聚徒肄業爲闡
道植教之地弗崇祀事也而今緣祀事而爲之則其意
亦微矣道具於六經散載於羣賢之籍而實原於吾心
有志皆可力探而神會之然人之庸情必藉風動而後
自振拔必藉啟掖而後始懃勉以進程子鳴道於河雒
朱子鳴道於武夷南軒鳴道於潭衡之間孔孟以還莫

斯爲盛而吾鄉先哲不遠數千里而往從之爲是道也是道也求則賢舍則愚先哲所以求者孰非吾所當求者乎使時有如四夫子者吾亦往焉時微四夫子則其師徒問答粹言緒論猶有紀者吾而誦其書式其人想光儀於一堂以冥挹其授受之馨歟耳如真聞目如真見因不二之性靈究本同之閫要自獲闡斯道之藩籬而窺其堂室不待外搜遠覓而聖賢之業存焉蓋所以恢拓教基揭示學的無條約而乎無言台而喻矣嗚呼此鹿城所以有書院也此表章先哲所以爲後學計也自慶元迄今幾三百載才彥之生常常有之顧其所謂學者役精斲思鍛鍊風物而自爲雄長稽式揣似鋪飾枝蔓而馳狗時好言與心揣心與道貳河雒武夷之實學荒落湮鬱疇克醒悟而還諸舊軌侯惠我邦以敦化正俗爲首務是宜加之意也樹之津梁而躋於大道使人有持循嚮往之定志胥體玩於性命道德之際而邦之理學始有勃然中興之機矣書院既成爰掇先哲事行問答之概類爲一帙俟自爲首序既詳至矣而復命某識其後某鄉後學也正處誘掖風勸之中者也觀禮階下肅客與敬謹推侯之意以諗諸同志且以自詔焉

四庫全書總目

淮

吉水人

成

化辛丑

進士

宏

治

中官

溫州府知府以南宋時溫州之士游二程張朱之門者有周行己等二十三人乃命永嘉知縣汪循即鹿城建書院祀二程張朱而以行己等侑焉復輯諸人誌銘家傳及其遺事緒論見於志書語錄中者彙為此編雖亦講學家標榜之書然永嘉學派頗異新安淮不分門戶於其間則視黨同伐異者其公私相去遠矣

永嘉守禦錄

水心文集

宋劉士英撰

葉適跋右劉教授永嘉守禦錄錢君德載刻於州學往歲王師北伐德載與劉平國

援此說其守謀增陴浚隍預備擬以待非常既虜復請和事亦已然君之念不可誣也今遂刊布其書甚善不惟郡人當安不忘危且使無寓人修牆屋猶知任拒守之責而況於保障扞禦之臣乎
溫州經籍志案宣和間方臘寇溫州士英與郡人石礪等拒守凡四十餘日守禦錄蓋紀其事也

顯應集

乾隆溫州府志勻作句

宋黃勻編

溫州經籍志案黃勻蓋嘉定以後人顯應集蓋紀鬼神靈應攷府志祠祀門永嘉城南廂

顯應廟神張姓宋宣和間
禦方寇陣亡或即此神也

右地里六外編

宋宰輔編年錄二十卷

宋史藝文志文淵閣書目（四庫全書總目）遜學齋藏萬祿呂刊本

宋徐自明撰

陸德與序本朝大詔令登載相麻不及執

廷之命無述焉覽者病之故太常博士徐君自明纂成
宋朝宰輔編年錄二十卷首起建隆庚申至於嘉定乙
亥凡二百五十餘年本之以長編繫年錄緯之以大詔
令拜罷錄與夫玉堂制草諸書而一時黜陟之由羣公
評品之論奉常行實之攷旁引曲彙靡有漏畧其用心
亦勤矣夫一代之盛則有一代之元勳碩輔鉅德豐功
銘於烝彝鼎書於旂常竹帛固不待贊述其間賢侯進
退正邪消長關於世道泰否者瞭然一覽之頃辭令云
乎哉彼齊魯大臣史失其名漢相列傳獨書免册是編
也其亦足為信史羽翼敷君之子居誼宰永陽有廉稱
輟俸錢梓於學可謂能成先志者我宋億萬年無疆惟
休臣亦有無窮之聞續而書之未有艾云

趙序徐常

博自明作宋朝宰輔編年錄其子永陽邑大夫居誼刊
之謁序於予予曰宰輔者安危治亂之所寄也漢四百
年稱蕭曹丙魏唐三百年稱房杜姚宋豈不夏夏乎其
難矣哉國朝自建隆以至嘉祐趙韓王普李公昉宋公
琪張公齊賢呂公蒙正呂公端李公沆向公敏中畢公
士安寇公準李公迪王公旦王公曾晏公殊杜公衍富
公弼文潞公彥博韓忠獻王琦又何其彬彬然盛也中
間不幸而王安石相蔡確韓頴元祐更化幸而有司馬
文正公光
姦則王珪蔡確韓頴元祐更化幸而有司馬文正公光
呂正獻公著范忠宣公純仁數人又不幸而章子厚
相姦兇復相繼蔡京過於章子厚王黼過於蔡京若曾
布趙挺之何執中劉正夫余深鄭居中微不及子厚京
黼造禍者姦成禍者庸禍極於吳敏何桌輩而不可制
矣若二人者又姦庸相半者也嗟夫人耶天耶天將開
建隆以來之治故名臣相項背天將兆靖康之禍故姦
兇接武李忠定公綱言驗於疏水功驗於圍城高宗皇
帝以其爲命世之英而相之不越七十有五日間之者
黃潛善也忠定昭武人潛善亦昭武人並生而並相豈
非天乎潛善罷忠定亦竟不得志趙公鼎張公浚忠定
之亞也相皆不得久而久於其位者蔡檜也忠定張趙

虜所惡也檜虜所喜也其久其近天意可知矣自後相
有可稱者陳公康伯陳公俊卿趙公汝愚而已中興而
後又何其太寥落耶侂胄之徒則世目以爲京檜者也
賢者則不得久而侂胄之徒皆得久於其位此豈人耶
子嘗論三代而上伊傅周召皆以儒者相大儒如孔子
不過攝相而已孔子而後以儒得相者惟司馬文正公
豈非盛哉然亦不得久向若神宗以所以待安石者早
相司馬公及程公顥天下豈不被儒相之福耶論皇宋
宰相者每爲之三大息常博之爲是錄也於美惡皆不
沒其實賢於世之類書多矣寶祐五年五月日龍圖閣
學士朝奉大夫新知西外宗正事趙汝談陳昉跋故太
常博士徐公永嘉之經師宿儒容止靖嚴言悉中節行
不越矩論著滿室蠅頭手筆無一字不端楷皆有益於
世教其錄宰輔也昉時年十八九教冊應對其間粗審
顥末後三十餘歲欲板於三山郡齋而未果會公之子
居誼來宰永福政成能以俸金刻之縣學爲一代之盛
典可敬也公字誠甫號慥堂終零陵郡守云寶祐五年
五月章鑄序司馬溫公既體春秋左氏傳爲編年又
欲倣班史敘宋興以來百官沿革公卿除拜作百官公
卿表以便省覽今觀徐公編年惟及宰輔而百官不及

則於省覽爲尤便宋朝歷代名德布滿百職輝映史冊
先後相望溫公猶思表而出之夫豈不足於夷攷而公
之編年曰姑舍是非畧也嬾諸作室之工書於棟者惟
都料匠與副之而梓人不與焉公之編年意或以是夫
大臣之進退臧否國之否泰繫焉關涉至大故公之爲
此書也自建隆庚申訖嘉定乙亥其間元臣碩輔誥命
所褒建議所否出處之顛末德業之汚隆長編繫年所
不載拜罷錄年表所不具而雜出於他書旁搜遠括靡
有遺棄釐爲卷帙用工雖勤然操其樞要舉其宏綱賢
於勞而寡要者遠矣談者咸謂是書之成可觀世道吁
豈惟是哉觀慶祿之盛則杜富韓范之事業在所勉觀
熙豐之事則荆舒之學在所懲下不負吾君則追法前
哲區別邪正以丕寅亮之規上不負吾君則追法前
吹蓋往轍益謹乎若時登庸之道則是書有補於世所
以續皇家萬億年無疆之休自此編年始也公嘗爲太
常博士子居誼宰永陽以廉名鳴琴之暇取家藏之祕
錢於邑序使垂世懿範不至無傳厥功不在編年下寶
祐丁巳八月朔明高安陳邦瞻序古之爲史者雖自
成一家言哉然莫不有所本司馬氏之作史記其自序
謂網羅放失舊聞述故事而整齊其傳故世本戰國策

楚漢春秋皆見於其書孟堅前漢既承父彪之業襲遷
史之舊而王商賈逵劉向歆所著無不具在雖稱製作
之工如英莖咸韶然其所漁獵者亦夥矣此無他創立
統紀裁成大體可以獨見詣而蒐羅遺逸協厥異同非
一人一書所可頓盡理固然也宋有國三百餘年英君
誼辟代作賢人君子滿天下其事業不可使鬱而不章
晦而不明而禮樂制度兵食律令又皆今世之所因以
爲損益者尤經世考治之士所欲講也然上承五季之
極弊下遭裔夷之疊盛南北分裂世變滋多兼其治尙
文其俗競辨法令數更論議樊然淆亂視之漢唐尤難
攷焉顧不幸而爲之史者雜出於元世諸臣漫無統紀
雖篇章浩瀚闕大義者不及十二三而挂一漏萬往往
而是故欲整飭宋事以備一代成書而比於法後王之
義以爲世訓非舉前史改絃而更張之不可然則廣搜
旁證雖稗官野記所不宜廢而況其大者乎宰輔編年
錄者宋徐自明氏所著起建隆訖嘉定一代用事之臣
委寄輕重人品忠佞與政事所由成壞具在而其所采
羣說閒出史氏所未及顧其書久不行世今駕部王公
得之焦太史先生督學呂公又得其遺闕於宗正伯榮
氏訖以爲延津之合遂校而刻焉余觀呂公樂談宋事

每媿媿不能自休而王公方欲更定前史勒成一書其志蓋不直使茲錄之行世而已儻亦司馬氏網羅之遺意而茲其吉光之一羽乎哉余故得而具論之如此萬厯戊午六月望日呂邦耀序官制至唐宋之間紊矣而宰執爲甚始唐因隋制以三省長官尙書令中書令侍中爲真相之任而品位崇高中葉以後不復獨授故常以他官兼宰相或稱參預朝政參議朝政則參知政事之始也自侯射李靖以疾間日至中書門下平章事而平章事之名昉焉李勣以詹事同中書門下三品爲同三品之名昉焉自是以降或稍有更定要以二名爲准晚世頗兼衆職用兵則爲節度使崇儒則爲大學士理財則領度支鹽鐵轉運至太清宮諸使皆宰相兼攝以百揆之尊分理庶職之務相體輕矣宋制大率因唐初惟同平章事爲真相皆以三省之貳或他官貴要者充其任又有昭文集賢二大學士監修國史以近密示重而二三相臣次第居之至神宗元豐間詳定新制革平章之名爲尙書左右僕射各兼門下中書侍郎行侍中中書令事以通三省之政而又別置門下中書侍郎尙書左右丞爲僕射之佐實卽參知政事也徽宗政和中尙書左右丞改爲僕射之佐實卽參知政事也徽宗政和中尙書左右丞改爲僕射之佐實卽參知政事也

制大壞南渡建炎中乃復其舊乾道中直稱左右丞相以終宋之世其最隆者爲平章軍國重事而或兼樞密使御營使制國用使都督諸路軍馬皆因時取名而責實寡效其軒輊疑信之端惟時君之所命之不在於名之新員之衆也然獨以樞密院本兵柄與宰相並稱兩府則舊無此制雖兵民判若兩途眞仁而後實皆儒臣專任間有武勳授者百之一二而已其源本唐宦官之職朱梁名崇政院最爲親臣後漢乾祐中除樞密使遂降麻比宰相宋因而不改有使有副有知院有同知有簽書其兼官敘進兩府署同執國之政均可以宰輔稱者也宋自太祖以至徽欽有實錄無編年神宗嘗命陳繹作二府拜罷錄元豐中司馬溫公取宋興以來百官進退歲月爲年表上之史館是後曾鞏譚世勳蔡幼學李燾諸人紀述不一而辭簡事略未有傳者比見宋太常博士永嘉徐自明所纂本朝宰輔編年錄二十卷起建隆庚申止嘉定乙亥凡二百五十餘年兩府大臣名氏爵里封拜罷免犁然備具而當時黜陟之由世主頗正之迹據事直書嫌惡自見以至時賢評品家乘野錄悉識其要者余偏考宋史及近世柯氏新編唐氏左編諸書似猶未覩不無遺漏固可以補其闕而參其異也

若夫麻辭制誥密札內批一該存雖事涉暖刺文未
雅馴使人疑怪憤悒不可爲解信乎趙姓遺史之論曰
一人之身拜相之辭如此其美罷政之辭如此其惡議
者謂本朝進退人才之弊專尙文華遂失眞實斯言得
之矣第取其詳瞻探其蹟隱亦博採者所不廢也余嘗
反覆宋事始末究於一統中自陷於播遷卒淪胥於澌
滅所由得國之幸立國之弱亡國之酷皆非前代所有
而其人才自開創以迄亂亡亦皆大遜於前代總之以
粉飾自侈以虛假自愚則習尙之偏適以自害而已故
輒爲之語曰宋之人才負宋之天下宋之習尙負宋之
人才此語期可俟之百世而未暇言其詳也是書也鈔
本得之焦太史先生處字句訛缺甚多仍其舊文不敢
臆改而孝宗一卷全缺惜非完本但作者苦心不宜泯
沒故付之剞劂氏而董正之者駕部損仲王公周藩伯
榮宗正也萬曆戊午四月望日又跋萬卷堂者伯榮
藏書之所也萬卷堂書目已自卷帙浩煩覽之終日不
能竟書可知矣書目中所有者或梓本或勦本皆善本
也而漏卷漏葉及錯亂之甚者則寘之敝篋中有其書
而無其目編年錄梓完已裝成帙矣適月之六日伯榮
曬書於萬卷堂下偶檢敝篋於亂書中得是書焉因漏

逸三卷故沈埋敝篋而新刻所逸之十七卷十八卷則
宛然在也噫奇矣哉始也索之於千里之外失之於一
室之內今也得之於一室之內合之於千里之外其始
也孰祕之今也孰現之耶豈非造物者有數存乎其間
耶天生神物終當合耳此事之奇何讓豐城劍也然畢
竟合之於伯榮豈文獻之家卽造物之所注耶固知宇
內奇事未有不天人參焉者也江南王惟儉序宋宰
輔編年錄宋太常徐誠甫纂也起太祖建隆庚申終
宗嘉定乙亥凡二十卷二百五十餘年內逸十七十八
二卷孝宗一朝凡二十七年先是不佞以諸史之中無
如宋史頗猥不深凡陋欲刪潤之以成一代之典而家
鮮藏書多假之南北交游求李氏長編久之不可得金
陵焦漪園太史寄是錄至鈔本也呂九如督學見而善
之遂校梓以傳有宋一代人主卜相之故宰臣謀國之
槩人之賢奸世之治亂具足矣茲不論不佞反覆是編
而深有嘆於學術之關於相業者重矣宋氏三百年間
維時宰執趙呂當締綢之初富韓佐嘉祐之盛趙忠簡
之匡贊思陵趙忠定之翊戴嘉王皆勳在王府贊乎盛
矣獨怪裕陵之於臨川君臣千載將大有爲而數周禮
國服邱乘之緒說更張法制擯弃元老意將駕周孔之

上而術反出管商之下嗣以蔡卞陰賊章惇凶悖而蔡京假紹述熙豐以劫持上下遂至四海橫流二帝蒙塵嗚呼靖康之禍咎將誰執此其以學術之誤遂誤天下者也六飛南狩擒大權芟除宗臣設禁僞學而士有變道語言之勞遂竊大權芟除宗臣設禁僞學而士有變衣冠名他師者吁已甚矣侂冑既殛彌遠擅國理宗雖亟事褒崇然近弃真魏而遠慕周程信所謂日進前而不御遙聞聲而相思者也馴至似道以不學之浪子跋扈冥恣而宋社屋矣此又以學術之亡遂亡天下者也究觀宋氏一代之事而知宰相臣不可以不學其學不可以失正故太祖肇基卽曰宰相須用讀書人蓋宰臣之佐萬幾不達於古今之大凡不諳於祖宗之成憲而冒焉秉國之鈞何遠猷之是經乎然學術未正則引經以傅其奸尤甚於蔑學以騁其臆者此君實子直諸賢之所以爲時碩輔而不重哉抑不獨學術之禍國未已也學術之關於相業豈不重哉抑不獨學術之禍國未已也學術世運試讀太平慶厯之間訓詞典則猶得王言之體而蔡京王黼陳自強史彌遠之徒每下一制輒數百言稷契皋夔曾未足擬甚至昆命元龜之語有識寒心焉彼其相業又何如哉書成而脫誤旣多無從質正讀者病

之督學公徧檢史傳相與商訂校既者僅十之五他姑
閱之以俟善本然是書引證不妄編緝有倫卽所述如
文潞公間金奇錦及朱勝非閑居錄王次翁敘紀之類
頗有詆訾諸賢者想爾時有此議論亦不能盡廢也因
併及之如此云
天梁朱勣美序有宋一代於宰執之
拜罷也皆有制詞蓋用漢策命唐宣麻故事故徐太常
之錄宰輔編年也於制詞獨詳然一人之身夷貳頓異
一君之命袞鉞互乖則制詞固亦有不足據者且率先
期鎖院外廷莫知而代言者拘於演綸之體或過爲希
合或肆爲睚眦有溢詞焉求如蘇氏草惠卿之切事既
不多得而昆命元龜之語與董司馬之允執厥中又何
異乎歷觀宋代命相較之往古異者有二而善者亦有
三商自阿衡之外仲虺右相而周官冢宰之下少宰具
焉以至漢左右相皆相也御史大夫號亞相司農號計
相從而推重耳而宋自平章之下有參知樞密名爲執
政則宰執分矣西樞本兵仍沿五代宣徽兩院亦號政
府非軍務倥偬人主有命而宰臣不釐樞務則兵民又
分矣然訖漢而後未有正宰臣之名者而三省長官或
虛而不拜或用爲贈官孝宗定丞相之稱終宋不變此
官名之確也前代誅戮大臣畧無顧惜漢之劉屈氂翟

方進唐之元載楊炎皆地居股肱身膏斧鑕而宋則終始優禮雖元愍巨奸僅投嶺海卽侂冑之殛非出帝意此禮遇之美也兩漢雖有相臣而朝權所在乃大將軍耳宋則大權在握舒卷任意如韓魏公出守忠之勅文潞公誅告變之卒及張魏公之宣撫川陝生殺黜陟人主委心聽之此事權之重也然槩閱是編而竊嘆奸回之多幸而忠良之多不幸也趙韓王而後三入相者如呂文穆諸人率以名碩爲時隆棟而蔡京窮凶亦四躋台躋宰臣極隆之禮文潞公之平章唯事於重呂申公之平章不去於同侪冑何人禮過二老止平章五字乎且韓王霸府舊僚功在締構固宜獨相十年其後申公諸賢多不過數年或踰年耳至蔡京則先後十有八年秦檜則先後十有九年而獨相者十有七年史彌遠獨相者二十四年皆醜正黨邪稔禍階厲乃司馬入朝曾不數月李綱柄國僅六十餘日而趙忠簡趙忠定諸賢皆席不及暖而寘身瘴鄉羈魂炎微千載之下使人撫遺奸而裂帛孤忠而灑涕何忠良之多不幸而奸回之多幸也果天意乎抑人事乎余誠難言其故矣

四

庫全書總目初北宋時神宗命陳繹爲拜罷圖一卷樞府拜罷錄一卷元豐間司馬光復作百官公卿拜罷年

表十五卷其後曾鞏譚世勛蔡幼學李燾各有撰述而不無所闕略自明因撫拾舊事補其遺漏續作此書以宋世官制中書樞密為二府俱宰輔之職故自平章事參知政事樞密使知樞密院事同知簽書樞密院事皆著其名位而詳其除罷黜陟之由編年系日起建隆戊午迄嘉定乙亥大都本之通鑑長編繫年要錄丁未錄東都事略而又旁採他書以附益之本末賅具最為詳核又據宋朝大詔令玉堂制草備錄其鎖院制詞更有裨於文獻二百五十年間賢姦進退畢具是編於以考國政而備官箴亦可云諸習典故者矣溫州經籍志槧堂諸習掌故猶有乾道遺老之風此書援引宋代史籍若遺史日厯丁未錄拜罷錄諸書今並不傳亦藉是存其崖略李燾長編今本缺徽欽兩朝此錄所引尚有數條可補其缺誠有宋一代典故之淵極也

東嘉教職世表

慎江文徵

明姜準撰自敘唐以前官制無考矣宋崇寧中郡縣始立學惟州設教授屬縣俱以令佐兼領學事景定三年縣始置主學一人咸淳元年潛司選請學正學錄直學各一人學諭四人長諭八人曰選請則非朝

除也其嘗職是者今亦無得而稽焉元路學置教授一人有學正舉行學規有學錄糾不如規者縣學置教諭一人選請訓導二人元初未設科舉士人往往假校官爲入仕之途雖非朝除亦榮選也國朝定制府學置教授一人訓導四人縣學置教諭一人訓導二人皆朝除今亦如治官例各爲一表其有聲績者別爲列傳嗚呼治教政之大者也父師之任也職是而稱德莫厚焉思莫隆焉其有未稱負涼德父師之名莫之與易矣可不哉

右職官

五禮新儀十五卷

宋史藝文志

宋張叔椿撰

大禮要略二卷

明史藝文志
千頃堂書目

明張孚敬撰時嘉靖六年

進大禮要略疏臣仰惟恭穆
獻皇帝尊號廟祀典禮成備

前者翰林院侍講學士方獻夫集諸臣奏議禮部尚書
席書爲之纂要上請頒布矣皇上欲重其事復敕館閣
儒臣纂爲全書臣愚俾與有事不能無言焉竊以此禮
之失非今日也自漢宋諸君失之矣此禮之爭非今日
也自漢宋諸臣爭之矣皇上之改非改今日也改漢宋
諸君也臣等之諍非諍今日也諍漢宋諸臣也是宜皇
上之欲爲全書以昭一代君臣之行也夫前之集議成
於禮部猶從案牘之文有司之書也今之全書出於史
館宜從典則之體天子之書也有司之書所以行於一
時以曉凡愚不可遽廢也天子之書所以傳於萬世以
著令典不可苟爲也伏乞皇上嚴諭館閣開誠布公必
放史書凡例以年月日爲綱凡於大禮有關者每事必
書每書必實至於諸臣奏議如禮者必采其精不如禮
者亦存其槩備載聖斷以裁成之以見非天子不議禮
其權非臣下所得而竊之者也昔唐有開元禮宋有開
寶禮所載多制度儀文而已曾有如今日嘉靖之禮經
繪天下之大經立天下之大本者乎若但因仍案牘之
文未免有失典則之體疑非美則愛愛則傳焉者也皇
上所定之禮出於漢唐宋之上而所成之書肯出其下
乎臣自建議以來屢厯所知無敢自欺輯爲要略誠有

不得已焉者也謹用繕寫成編裝爲二部一備聖覽一
付史館采焉自序大禮要略撮大禮之要而舉其略
焉者也博之宜無不信約之宜無不該故知要可以會
通因略可以致詳無難矣臣孚敬伏讀聖諭皇考恭穆
獻皇帝尊號已定世廟已成所議典禮不可無一全書
又諭大禮者乃天子之禮書冊者乃一代君臣之行也
重其事所以命官纂集其曰命官還用建禮之臣掌其
文意大哉皇言乎一哉皇心乎此誠明王大孝爲法萬
世者也昔孔子作春秋必先明五霸之功罪則事有統
理夫春秋魯一國史也今大禮之書爲天子之禮一代
君臣之行也是宜聖心有在而欲爲全書也臣孚敬實
爲迂愚之儒嘗從建議之後每事必書固將有待焉者
茲仰承德意罔敢或違於是輯爲要略亦惟明夫統理
而已庶同志者於是乎會通於是乎致詳其於大禮全
書未必無
小補云

乘輿冕服圖說一卷

明史藝文志

明張孚敬撰考古衣冠之制孚敬爲注說

明史乘輿服志嘉靖八年諭

閣臣張璠表冕有革帶今何不用璠對曰按陳祥道禮書古革帶大帶皆謂之鞶革帶以繫佩鞶然後加以大帶而笏指於二帶之間夫革帶前繫鞶後繫綬左右繫佩自古冕弁恆用之今惟不用革帶以至前後佩服皆無所繫遂附屬裳要之間失古制矣帝曰冕服祀天地享祖宗若闕革帶非齊明盛服之意及觀會典載蔽膝用羅上織火山龍三章并大帶緣用錦皆與今所服不合卿可并革帶繫蔽膝佩綬之式詳考繪圖以進

頃堂書目嘉靖八年上諭大學士張璠謂古者上衣下裳不相掩覆今衣通掩其裳且古裳如帷幔今止兩幅均非禮制命更定之因分十二章衣裳各六璠考自古有虞及周以下之制為說繪圖以進

武弁服制圖說一卷

千頃堂書目作乘輿武弁服制圖今從明史藝文志

明張孚敬撰親征冠服之制

明史藝文志嘉靖八年諭閣臣張璠云會典紀親征

類禘之祭皆具武弁服不可不備璠對周禮有韋弁謂以韠韋為弁又以為衣裳國朝視古損益有皮弁之制今武弁當如皮弁但皮弁以黑紗冒之武弁當以絳紗冒之隨具圖以進帝報曰覽圖有韠形但無繫處冠制

古象上尖今皮弁則圓朕惟上銳取其輕利當如古制又衣裳韠烏皆赤色何謂且佩綬俱無於祭用之可乎璫對自古服冕弁俱用革帶以前繫韍後繫綬韋弁之韠正繫於革帶耳武事尙威烈故色純用赤帝復報璫冠服衣裳韠烏俱如古制增革帶佩綬及圭千頃堂書目書目上又謂璫凡乘輿親征有類造宜禡之祭當具載武弁服令考古制繪圖以進璫爲之注說

立端冠服圖說一卷

千頃堂書目明史藝文志

明張孚敬撰燕居冠服之制

明史輿服志嘉靖七年更定燕弁服初帝以燕居冠

服尙沿習俗諭張璫考古帝王燕居法服之制璫乃采禮書元端深衣之文圖註以進帝爲參定其制諭璫詳議璫言古者冕服之外元端深衣其用最廣元端自天子達於士國家之命服也深衣自天子達於庶人聖賢之法服也今之元端加文飾不易舊制深衣易黃色不離中衣誠得帝王損益時中之道千頃堂書目嘉靖七年上製燕居之冠曰燕弁服曰立端弁深衣帶履大學士張璫繪圖爲說以進

保和冠服圖說一卷

四庫全書總目千頃堂書目明史藝文志

明張孚敬撰宗室冠服之制

明史輿服志嘉靖七年論禮部朕仿古元端自為燕

弁冠服更制忠靜冠服錫於有位而宗室諸王制猶未
備今酌燕弁及忠靜冠之制復為式具圖命曰保和冠
服自郡王長子以上其式已明鎮國將軍以下至奉國
中尉及長史審理紀善教授伴讀俱用忠靜冠服其以
圖說頒示諸王府如勅遵行千頃堂書目御製保和
冠服圖一卷嘉靖七年光澤王奏請冠服之式上命大
學士張璁以燕弁為準參考隆殺以賜宗室璁為圖說
以進四庫全書總目是書作於嘉靖七年璁未更
名以前故仍題原名先是世宗命璁製燕弁冠服為燕
居所御又製忠靜冠服以錫有位會光澤王請宗室冠
服式命以燕弁為準定為此圖而救璁為之說前有諭
旨及璁序其冠親王九祿世子八祿郡王七祿服用青
身青緣前後方龍補襖用深衣玉色帶用青表緣裏緣
緣履用阜緣結白鞵其鎮國將軍至奉國中尉左右長
史至伴讀咸從忠靜冠服以品官之制服之其儀賓則
不預焉名曰保和言各得其分則和也其冠圖為前後

左右四面服圖為前後二面較三禮諸圖繪一面者為詳可為繪圖之式云

忠靜冠服圖說

千頃堂書目

明張孚敬撰明史輿服志嘉靖七年既定燕居法服之制詭異之徒競為奇服以亂典章乞更法古元端別為簡易之制昭布天下使貴賤有等帝因復制忠靜冠服圖頒禮部勅諭之曰祖宗稽古定制品官朝祭之服各有等差比來衣服詭異上下無辨民志何由定朕因酌古元端之制更名忠靜庶幾乎進思盡忠退思補過焉朕已著為圖說如式製造禮部以圖說頒布天下如勅奉行溫州經籍志此書明史藝文志未著錄輿服志載嘉靖七年詔云朕自撰圖說則似為世宗御定然千頃堂書目載無名氏古今彙說六十卷內有此書注云張璉攷論對錄載文忠嘉靖七年三月初十日奏前承聖諭製忠靖冠服警於在位容臣將原為圖說再加參定進覽又載三月二十一日奏亦有伏乞於所藏內閣圖說少易數字仍容進覽裁定之語是忠靖冠服圖說確出文忠手彙說所題當不誤刊本今雖未見謹據黃

目錄入以補
史志之闕

郊祀考議一卷

百川書志

明張孚敬撰時嘉靖九年議郊祀疏臣欽承聖制以太

祀天地後定合祭之禮恐上下之分陰陽之義未得朕

心巨疑仰見皇上事天誠敬發於淵衷必有不能自安

者矣茲勤明問謀及卿士又仰見皇上博采公議慎重

之至也臣嘗聞書曰爾有嘉謀嘉猷則入告爾后於內

爾乃順之於外曰斯謀斯猷惟我后之德臣愚濫叨輔

導無嘉謀嘉猷入告皇上上神萬分一又不能順之於外

使斯謀斯猷稱我皇上上之德對揚休命實臣之罪也臣

觀邛濬大學衍義補所論雖出從周之心然不能以己

意陰壞唐虞三代典禮雖知禮者有見而衆人則未免

惑焉此臣考議之所以不容已也夫非天子不議禮恭

惟聖祖爲一代創業之主禮樂制度誠如聖制爲子孫

者雖億萬世所當謹守勿違者也夫敬天法祖其道一

而已矣臣伏願皇上以不愆不忘之心盡善繼善述之

孝樹酌古今慎重典禮則聖祖神孫光於先後矣謹以

藝文

史部

三

所錄考議一冊進覽惟聖明垂察焉（明史禮志）世宗以制禮作樂自任其更定之大者如分祀天地復朝日夕月於東西郊罷二祖並配以及祈穀大雩先蠶祭聖師易至聖先師號皆能折衷於古一時將順之臣各爲之說今其存者若郊祀考議則張孚敬所進者也嘉靖九年世宗既定明倫大典益覃思制作之事乃問大學士張璠書稱燔柴祭天又曰類於上帝孝經曰郊祀后稷以配天宗祀文王於明堂以配上帝以形體主宰之異言也朱子謂祭之於壇謂之天祭之屋下謂之帝今大祀有殿是屋下之祭帝耳未見有祭天之屋下禮也況上帝皇地祇合祭一處亦非專祭上帝總言國初遵古禮分祭天地後又合祀說者謂大祀殿下壇上屋屋即明堂壇即園丘列聖相承亦孔子從周之意帝復論璠二至分祀萬代不易之禮今大祀殿擬周明堂忽近矣以爲卽園丘實無謂也璠乃備述周禮及宋陳襄蘇軾劉安世程頤所議分合異同以對且言祖制已定無敢輕議會給事中夏言請舉親蠶禮帝以古者天子親耕南郊皇后親蠶北郊適與所議郊祀相表裏因令璠論言陳郊議勅禮部令羣臣各陳所見璠因錄上郊祀考議一冊

正先師孔子祀典集議一卷雍正通志引澹生堂書目作

明張孚敬撰明史禮志嘉靖九年大學士張璁言先師

路曾皙孔鯉乃顏曾子思之父三子配統乃孔子之父顏

父從祀兩廡原聖賢之心豈安請於大成殿後別立室

祀叔梁紇而以顏路曾皙孔鯉配之帝以爲然因言聖

人尊天與尊親同今邊豆十二牲用饋全用祀天儀亦

非正禮其諡號章服悉宜改正璁緣帝意言孔子宜稱

先聖先師不稱王祠宇宜稱廟不稱殿祀宜用木主其

塑像宜毀遵豆用十樂用六佾配位公侯伯之號宜削

止稱先賢先儒其從祀申黨公伯寮秦冉等十二人宜

罷林放遼瑗等六人宜各祀於其鄉后蒼王通歐陽修

胡瑗蔡元定宜從祀帝命禮部會翰林諸臣議璁因作

正孔子廟祀典或問奏之帝以爲議論詳正并令禮部集議

東嘉科第年表慎江文徵

明姜準撰自序進士科始於隋雖以言取人與前代德

業孝廉中正諸科較實行者不同然一槩以

法而請屬之弊無容焉因空言而獲實用視較實科而卒徇空名者固未知其孰優劣也矧敷奏以言固唐虞遺法乎記口或以德舉或以言揚其來舊矣漢左雄奏諸舉孝廉者儒生試家法文吏課策奏益亦知空名之難憑用此以空請屬之門也空言不猶愈於空名矣乎至若鄉舉在宋為清試謂之發解第階之解送南官耳非階之入仕也不第令再試屢舉不第然後有推恩之典焉則又賜同進士出身謂之特奏名不復繫諸鄉舉矣元時亦然至我朝鄉舉始為入仕之途然人才往往繇是而出則又一代之新制也夫既試之三場糊名易書公較閱之亦已密矣復令再試不已煩乎是固不若今制之為善也唐進士舊志僅載二人茲斷自宋始各以代敘為名表而因以歷官綴焉其顯著者別人人物志續以我朝鄉舉各為名表一如進士之例

東嘉諸科年表

傾江文徵

明姜準撰

自序宋以科舉取士有進士有諸科有武舉又有制科童子惟進士為極重而試之亦獨

難時人語曰焚香取進士瞋目待明經況其他乎蓋進士詩賦策論經義雜文無一不備明經則惟帖書墨義

而已不通則殿舉之特重以其甚易也曰九經曰五經
曰開元禮曰三史曰三禮曰三傳曰學究曰明法盡然
而屢屈於試憫而收用則謂之特奏名至有因循不學
祇欲積舉以應令則又不能無毫鈍之士雜出其間外
是又有賢良方正經學優深詳嫻吏理三科元祐立經
明行脩科景德天聖之際復置博通墳典明於體用軍
謀宏遠書判拔萃等科大觀元年詔立入行而制科亦
舉罷靡常矣雖富公諸賢亦階此進豈能必其名實皆
符哉故三代德行之選非至治之隆莫能行也然則陶
鎔人物而網羅其材彥以幹濟一世之事我朝之制固
自足以得士惟得人以行之
則善矣惡在廣開俾途也

洲課條例一卷

千頃堂書目作蘆政條例
今從四庫全書總目

明王挺撰挺字中白瓚子官至工部郎中嘉靖己酉南

京工部營繕司主事惠安莊朝賓序

四庫全書總目挺
作此書時官南京

工部營繕司員外郎明代自鎮江至九江沿江洲課皆
隸南工部後以其有影射吞占之弊復設官以董之明

史食貨志未詳其法蓋以其併入地糧內也是編乃嘉靖中從為督理時所輯首載敕諭及課銀數目取用條例次載進奏事例八條部司酌議事宜九條可以考見一時之制

右政書上儀制邦計附

漢兵制萬厯府志

宋薛季宣撰

福建屯誌一卷乾隆縣志

明項喬撰嘉靖戊申時官按察司僉事

京營紀半山藏稿

明王叔果撰自序我國家兵制自太祖高皇帝膺天眷命以肇造於前成祖文皇帝定鼎燕都以續承於後二聖繼作憲古立法黃虞以降稱兵制之善者莫加焉其在京師初立五軍營繼立三千營神機營

爲三大營時元戎宿將雲合影從勁卒健馬星屯蠅集
蓋不可以億萬計嗣是重熙累洽海內銷兵尺籍雖存
營伍漸減景泰年間三營不可用矣遂選爲十二團營
不團營不可用矣又選爲兩官廳日改歲易弊端百出
我皇上應運中興念京營之極弊虞醜虜之方張爰咨
舊典大奮乾綱上復二祖三營之外加以備兵往所謂十
規欽定三營分設諸將統兵之瑣瑣名目盡行罷革百餘年
二團營兩官廳各與哨按煩瑣名目盡行罷革百餘年
之叢奸積蠹一時頓清將有定員軍有定數操練有法
征調有期大聖人之制作可傳萬年以爲久安長治之
策者也顧十餘年間因時損益稍有不同恐將來建議
靡察根要或致紛更上有失聖明初意臣謹備考國初以
來兵制之詳及我皇上欽定三營之制編勒成書以備
一代之典章爲萬世之成憲嗚呼書詰戎兵詩鞠師旅
當陰雨之未形而綢繆桑土之至計庶脩攘其永賴太
平其無疆矣（王世貞王副憲西華公誌略）始謁選授
兵部職方主事尋遷其司員外郎遂遷郎中有請修戎
政志者例以史官充之大司馬楊襄毅公請以屬公書
成進之曰

京營紀

右政書下 軍政

東嘉書目考

慎江文徵

明姜準撰百序古人著書立言非徒文也蓋將窮理闡載道是謂徒作典籍雖具厝用無裨弗貴焉吾鄉先正通明理學者莫盛於宋其發揮理學撰述成書亦莫盛於宋沿及昭代世不乏人著述之富郁郁乎埒二酉而軼兩京矣然而仰屋梁之不再銷於蟲鼠燬於兵燹潰腐東而行遠者恨昭裔之不再銷於蟲鼠燬於兵燹潰腐於風雨之侵陵棄遺於婦豎之剪裂名存實喪百僅二三殆其然也夫告朔廢而羊存夫子猶欲藉存羊以復禮矧典章殘缺書目足徵有如後起之士循名求書因書求理則涉獵荒遠轉接精魂俛仰感興於風簷夜案者未知其淺深也將謂策羊非禮之存而書目非道之寄歟取舊志之渾列者析經子史集彙而為四或傳其故序或錄其制行或稽其撰輯顛末品騰臧否庸綴諸目之下其亡可考者缺之不敢誣也嗚呼議道有人文武不墜文獻稱足夏殷能言是編也自審於古之作者

示今傳後之志
庶幾無負矣

右目錄

資治通鑑約說

陳傅良薛公行狀

宋薛季宣撰

通鑑筆議

萬厯府志乾隆縣志作通鑑博議

宋戴溪撰

溫州經籍志岷隱爲詹事奉景獻太子命講資治通鑑爲說以進見宋史本傳王霆震古

文集成前集所引諸儒評點有戴溪筆議蓋卽此書也

兩漢博議十四卷

萬厯府志作西漢博議誤今從宋史藝文志文獻通考讀書附志作二十卷

宋陳季雅撰

文獻通考西漢史抄中興藝文志陳傅良撰指摘精要裨正闕誤博議陳季雅所撰

關涉
尤大

漢唐論斷

通志

宋陳季雅撰

續通鑑論

永心文集

宋薛仲庚撰

溫州經籍志仲庚字子長永嘉人瑞安

止齋集有答薛子長書云某衰情何足與語今古而左
右獨見推遜以所著南北之際義例爲惠且下問其然
否老矣交遊彫落顧方得三益豈非天閱其窮以此厚
幸之耶感激過望所論晉非南遷元魏無陵逼中原之
暴而其亡以六鎮齊梁陳之暴興北齊之後斃向者亦
嘗見此意往往不能發今幸筆力先明之胸中了然甚
盛甚盛至於君臣譜系尤足考其細故不謂晚年見此
奇特宜前輩所嘆也方合兒輩傳寫一本旦夕卽納上
左右議論誠淵源於正則要其所到又有過人者鄉間
學問將趨於弊非時流之過必得溫厚爾雅之言以駁
其末則吾輩皆賴以免足下其人也願言勉之扶此墜
緒案所謂南北之際義例蓋卽在續通鑑論之內又謂

子長議論淵源正則攷水心集送薛子長詩有薛生靜而敏器宇絕幼愿能文乃天策脫穎酬始願之語則子長爲水心門人無疑其議論奇特益得水心之傳者故止齋推之如此惜其書竟無傳也

習史管見

萬厯府志

宋胡子實撰

通鑑新議

雍正通志乾隆府志乾隆縣志議作義

宋梅時舉撰萬厯府志時舉精於史學著通鑑新議剖析精微多前賢所未發

右史評

永嘉縣志卷之二十六